


柳田文庫
文庫11
D 122
7



文庫11
D 122
7

010190552921



牧庵集卷三十一

元

姚

燧

撰

經義

天地交泰后以財成天地之道輔相天地之宜

造化之奠位必合兩而成其和聖人之成位必參兩以
用其中蓋和者致泰之極功中者致和之大本也徒知
保合太和而氣化之流行者固所以通乎兩閒之天地
乃不知允執厥中而道化之運行者實有以位乎一身
之天地吾恐道化之中有時而偏則氣化之和亦有時



而息矣聖人之宗主是泰豈其然哉且天秉陽而居上
確然其體也而氣則下交乎地地秉陰而居下隕然其
形也而氣則上交乎天氣化交感網緼磅礴至和流通
在在無間造化之泰何其盛也其必有致此者矣曰有
元后焉天地之道或太過也而元后則以此之中而財
成之天地之宜有不及也而元后則以此之中而輔相
之道化潛通無過不及一中懋建天地不悖聖人之泰
不亦溥乎合兩以致化者造化之泰此泰之蟠際也參
兩以贊化者聖人之泰此泰之宗主也有聖人以宗主

是泰則成位乎上下者無非中而奠位乎上下者無非
和矣泰之象云云其意如此嘗謂有致泰之實應有致
泰之實感應者其驗感者其本也應者其流感者其源
也應者其和感者其中也應者其在天地感者其在聖
人也是故天地網緼萬物化醕陰陽妙合萬物化生天
地固以和應矣何應非感天地設位聖人成能皇極茂
建雨暘時若聖人固以中感矣何感非應應者非先感
者非後天地聖人蓋相爲因成爾或者昧之往往謂高
明博厚天地之體也下降上騰天地之氣也體立而氣

牛馬集 卷三 二
行交通而旁達則形和氣和而天地之和應矣于聖人
奚賴焉吁是未知有感應之實理相爲流通者矣天地
之化而範圍者聖人也天地化育而參贊者聖人也聖
人者擬天地而參諸身以一身而贊化育陰陽闔闢我
轉其機寒暑推遷我總其運此精神之感召和氣之流
通使之三光全而日月無薄蝕之虞五紀協而風雨無
淒苦之變財之成之輔之相之而無過不及之偏何莫
非大中之感者亦何莫非太和之應者嗚呼和在天地
則天地一聖人之應也中在聖人則聖人一天地之感

也要其所應則太和所播上際下蟠無彼此也無間斷
也天地之泰天地之氣化所由通也而位天地育萬物
元后之於天地實有功焉太過其財成之不及其輔相
之以斯中也致斯和也氣化之和卽道化之所由驗也
原其所感則大中一建萬物咸覩無偏黨也無反側也
聖人之泰聖人之道化所由通也而亶聰明作父母天
地之於元后實有賴焉寒暑其教化之日月其順動之
以斯和也驗斯中也道化之中卽氣化之所由基也然
則中和無二致感應無二機在天地者非有餘在聖人

者非不足渾渾乎一中和之盛此其所以爲泰治之極歟今夫得氣之清穹然而高天之位固奠於上矣得氣之濁隕然而卑地之位固奠於下矣上下不相紊也而有氣以行焉兩者交合二氣氤氳天稟陽之清而至陽赫赫必下交乎地地秉陰之濁而至陰肅肅必上交乎天其未交也則上下異位交焉則二氣薰蒸而成和其未交也則陰陽異質交焉則二氣流通而成泰交斯和矣和斯泰矣將見協氣嘉生薰爲太平時和歲豐百祥交致天地固和矣而萬物則咸和天地固泰矣而萬物

則咸泰甘露降醴泉出溢而爲和氣之祥也嘉禾生芝草植鬱而爲和氣之應也由此和而推之其往來不窮施生無方其嘯吸變化無非此和之升降飛揚也不然則和氣一乖天地否矣非大易有取於乾坤交泰之象也然成氣化之泰者在天地而開道化之泰者在聖人聖人者出父乾母坤而藐然中處則成位乎天地矣大生廣生而大寶曰位則成能乎天地矣聰明作元后也而有道以運焉兩儀同流一中不踰陰慘而陽舒天地之道也過則不能和春生而秋斂天地之宜也不及不

能和一喜怒有同乎陰陽之慘舒惟皇作極而財成之則無愆陽無伏陰而天地之道所由泰一賞罰有同乎春秋之生殺惟皇作極而輔相之則無暑雨無祁寒而天地之宜所由泰協斯中矣中斯泰矣將見王道正直蕩蕩平平會其有極是行是訓吾之道無非天地之道吾之宜無非天地之宜鼓元氣雷域中天地之豫也卽聖人之中也騰百川雨天下天地之解也卽聖人之中也由此中而推之其平秩平在寅饑寅賓其在璿璣玉衡無非此中之彌綸曲成也不然則中道不立天地否

矣非大易有取於財成輔相之義也大抵有氣化之泰有道化之泰氣化之泰一天地之和也道化之泰一聖人之中也若不相關也而實相因若不相與也而實相爲用其殆一道氣之相爲貫通者乎何者有道斯有氣道降而氣其在天地則爲陰陽之運其在聖人則爲中節之和氣統於道其在天地則爲陰陽之粹其在聖人則爲未發之中天地以氣運則有上下交通之妙氣卽道之流行焉耳聖人以道運則有財成輔相之功道卽氣之主宰焉耳融道氣致中和天地大造化也聖人權

造化也天地聖人同一中和之泰也使天地徒以氣化
之泰奠位乎上下而不有聖人以道化之泰成位乎其
中則陰陽失其道寒暑失其宜日月失其經和者流矣
其何泰也哉抑嘗考泰之爲卦而有疑焉天尊地卑而
乾坤以定皇極建中而彝倫以敘今而象泰之卦則有
取於乾下而坤上元后之任則有及於天地之道與宜
何也蓋天地以形言乾坤以氣言天地奠位而乾下坤
上者氣也天地之交以氣而交是之謂泰乾坤其父母
也元后其宗子也乾坤以氣化而賦形賦色於元后元

后其可不存吾順事而財成輔相之以盡其宗子之職
哉是知乾下坤上氣化以交而成和矣而乾坤以定則
和者未有不中曰道曰宜元后財成輔相之以中矣而
彝倫攸敘則中者未有不和此其所以有取於泰之象
歟雖然聖人之用中其應在天地其感在民心民心罔
中惟爾之中則人和而天時地利無不應矣古之聖人
端居乎宥密之中而戶財成輔相之職豈必曰夏則致
天地之陽氣而導行之冬則閉藏之歟又豈必曰秋則
取天地之陰氣而施用之春則閉止之歟夫乖氣致異

和之反也和氣致祥泰之極也禮樂所以合天地之化
中和所以致萬物之育吾之於民苟能以禮樂導其中
和之教以中和行其左右之道則吾民之中即天地之
中也吾民之和即天地之和也聖人象泰以財成輔相
之任屬之聖人而必以左右民繼言之厥有旨矣昔之
言泰和者必曰唐虞則唐虞之時地天交泰之時也以
言其治則地平天成也以言其道則精一執中也以言
其化則黎民於變也中和之應未有盛於此時也然要
其所以致中和無非用中於民始之作訛成易有其時

析因夷曠有其序六府則孔修三事則允治彼其潛通
天地之和默造化之機固有左右爾民之治存焉如
曰舍斯民而他有所謂財成輔相之事特陰陽固閉之
學龔巫瞽史之爲堯舜其然乎不然也春秋以來日蝕
有書地震有書不雨又有書是何陰陽繆戾如是耶得
非治不唐虞世則春秋大中之治不建而太和之治不
復乎吁是必有寤寐堯舜於千百載之上而爲天地立
極爲萬世開太平者

名字說

李綸字說

李明之以其子讓來見曰願易名而字之予思古之人生子三月而父名之避其在常語而難爲諱者所以爲他日爲父計也故曲禮曰不以國不以日月不以山川不以隱疾而春秋傳亦曰不以官不以畜牲不以器幣讓生已久矣雖其名無國官日月山川隱疾畜牲器幣之犯而犯舉世人之常語使其子宜如何而諱於今哉亦觀夫治絲乎其緒之弱不大於秋毫之末力引銖鎰則紛然而絕苟治而繩之則可以轉百鈞故曰王言如

絲其出如綸言綸者比其類而合之也或曰青絲綬亦爲綸爲訓雖異其組織爲服亦垂首千百而比其類爲之也反而求之蓋人心之善惻隱羞惡辭讓是非四者之端其始甚微其絲之緒乎學者爲能體驗擴充之使可以放四海塞兩間其比其類之綸乎邵子曰人於心上起經綸士而知此始可語自治治人之道矣名以綸字曰治夫

梁氏三子名說

梁宣慰君三子其伯也旣名矣由犯先諱求子避之嘗

聞誦簡約而嗜靜重遲而可久然先民以湛靜安舒者
戒於後時予懼其流或後事也惟力於果敏斯可正其
失質諸字訓有以疾爲适者古之人有伯适南宮容亦
名适然司馬長卿以慕蘭名相如趙相國鄧高密名不
避堯禹士而希賢固其志也伯适南宮奚避焉故名曰
适而字亦不能卽其舊又易曰子容焉嗚呼伯适同名
南容一字吾固以先賢望子适曷知自勉哉其下二人
仲曰迪叔曰述有父兄者迪以蹈之述以繼之無所自
遂焉亦孝子悌弟之一事也然古人之名有非徒義意

之是擇如伯達伯适仲突仲忽叔夜叔夏季隨季騶必
二人相從而諧其韻焉可謂言無所苟出而有章者矣
故予於适迪述亦三人諧韻其古之遺意哉迪述未冠
不字

高氏諸子名說

袁之上佐洛人高直夫以予少與其先子游拜於洪都
請爲其子姪十二人製名爲訓長曰統次經績繹緝約
維絢紘紱絢綱且字而序之曰家政統於尊其傳者大
小宗之子傳必立法法立而家道用成統宜曰元宗經

元立績元用然非本學亦烏乎成學則始思思而成輟則怠而不能文又有要焉必由博而趨約固以守之而後德業積中輝光發越而不可掩譬設色然必先資夫可受之質繹曰元思緝元文約元博維元固絢元質絢之所以華身者莫服若首紘膝紱足絢曰元贍元粲元履衣之文備矣又惡其著網以尙之故網曰元著其意義相仍皆有徵於書然字者名之副也有是德則爲稱情無之而弗自勉亦非予鄉先生所期於後來者

題跋

跋雪堂雅集後

釋統仁公見示雪堂雅集二帙因最其自序四詩十有九跋一真贊十七送豐州行詩九凡五十篇有一人再三作者去其繁複得二十有七人副樞左山商公諱挺中書則平章楊九思右丞馬紹燕公楠左丞楊鎮參政張斯立翰林承旨則麓菴王公諱磐董文用徐琰李謙閻復王構學士則東軒徐公諱世隆李槃王惲集賢學士則苦齋雷公膺周砥宋渤張孔係趙孟頫御史中丞王博文劉宣吏曹尙書則谷之奇劉好禮郎中張之翰

太子賓客宋道提刑使胡祇適廉訪使崔瑄皆詠歌其所志喜與搢紳遊者求古人之近似惟唐文暢故柳送其行曰晉宋以來桑門上首道林道安慧遠慧休其所與遊謝安石王逸少習鑿齒謝靈運鮑照皆時之選夷考其言有得有失其失者以天官顧少連夏官韓暉之徒爲有安石之德逸少之高鑿齒之才其不倫何啻相去千百而十一又且近諛其得者文暢亦桑門上首時不相及方以林安遠休夫誰曰不然與以靈運明遠之文自居皆無愧德斯自唐視晉宋者也自今而視唐獨

不可爲之比乎柳之頌文暢曰道源生知善根宿植脫棄穢累宜滌凝滯施之仁公亦聲聞稱情而不過者然求如靈徹澄觀重巽浩初元暲文郁希操深濬之流與文暢生同其時若是之多則仁公爲獨行而無徒矣又彼少連暉者豈足躅二十有七人之遺塵而求安石逸少鑿齒之德之高之才吾亦不能必其當者何人况文乎哉其敢以靈運明遠自居如柳州者蓋不知其誰也然此中予未之識四人鎮琰好禮瑄然已皆物故其存者閻李兩承旨而已可爲人物眇然之歎至大庚戌秋

八月下弦日跋

跋張夢卿所藏紫陽楊先生墨蹟

此先婦翁紫陽辭翰也嘗聞其幼時文已奇由歌白水滿長於紫陽閣底清風細之句遂號紫陽初名煥後由上金季主河朔中興頌季主壯之置紅篋中黃龍戰北紅篋爲我元所獲恐蹤迹物色姓名獲戾宜避更爲魚及後受我太宗簡文制誤與爲英遂不敢私更始就名英其平生於書差喜米南宮故筆法時時似之其卒以乙卯時燧已聞公遺命託二事於我先世父一遺文二

以先妻見配時燧未婚也其歲上距今二十四年當至元戊子張總管夢卿特來求題夢卿嗜古博雅該洽之士慮其未得平生之槩故歛襟書此其年二月子媚姚燧觀于穰城寓舍

師濂堂跋

周君宣仲以師濂名其堂濂溪萬世師也天下師也而况派其宗者哉夫子爲宋朝正學之祖師夫子取水初源也侯師聖見程先生語未徹往見夫子語三日自謂如見天之廣大再見程子程子曰是必從濂溪來師濂

之功如此夫雖然侯生之言只可隔壁聽程先生終未
深與之何也受學之初每使求仲尼顏子樂處既得矣
吟風弄月以歸有吾與點也之意嗚呼是真師濂者乎
故師濂者當如程子寶祐五年夏閏之晦姚燧書

書觀臺劉氏嘉蓮卷後

往年燧在翰林使有持憲節于山之南曰馬公煦者馳
書來言吾邢之觀臺劉氏所自出先夫人之兄軌字子
範蕃字子榮皆金文臣其官所止舅範京兆轉運判官
榮汶上令方範決科之年池蓮一茄數花十三亦祥之

不世有者雖見之夷堅續志而略願特筆之時以史事
已修而未之進也無違致思今年以葬告還郢郢適公
所督刺郡再書促之乃求續志以較謂範易轉運爲按
察又不載榮登第嗚呼志所傳聞不若其甥之可信惟
十三花者爲同因思草木之祥或以二而合或由一而
分二焉而已耳甘泉之芝九莖同葉河中之木異本連
理此以二而合者也漁陽之麥兩岐李翁之禾九穗此
由一而分者也然未若是十有三花之分之多豈天鍾
祥不以言喻惟假草木得氣之先者異其花實而示人

即其既應範榮一世而遂泯泯已耶無亦猶右遺嗣蒙其未斬之澤也然是氣也所以父母萬物者和之盛或溢而旁暢他達如人子於其父母貌必有一肖焉何也隨其氣之盛者也夫天鍾祥於劉如是固不專範榮兄弟之身亦必及先夫人移其盛於所家者理容有也故公兄弟蟬嫣簪紱列居臺閣他日載勳旂常勒銘景鍾未可知也夫然後可當宅相十三花之祥

跋西溪珍翰

中執法之書計今在人間者無慮數萬番而諸賢獨感泣此軸者由張君式者不忘知與求評賞之也嗚呼古之人所重乎門生故吏者豈不以是夫使其遺嗣人人持是手澤求光前列其爲先友者操筆之情又何如也至元蒼龍壬辰暮春姚燧跋

書米元暉畫山水

米敷文之畫全法其父山水樹石不事工細多以雲煙暎帶只喜作橫挂長不三尺自題曰墨戲今此獨雙幅鉅軸豈當時奉詔與朱敦儒輩對畫禁中者耶真曠代希有物也張肖齋夢卿以至元戊子夏四十千購得之

姚燧寓目焉為識末幅

銘

簡儀銘

舊儀昆侖六合包外經緯縱橫天常斜帶三辰內旋黃
 赤道交其中四游俯仰鈞簫凡今改為皆析而異取其
 案元文類疏明無室於眎四游兩軸二極是當南軸下
 作由能貫赤道天常案此二句元文類作天常不搖則乾安靜
案此二句元文類作南軸攸沓下乃天常維此敲傾取軸架應上鏤案元文類百刻及時初正赤
 道上載周列經星三百六十五度奇贏紫微安加北極

攸戴穹然突出狀同倚蓋別置立運下履地平錯勒于

隅十二子名五環挈周丈有八尺紫微等之三旋在一

六環之安三負衡旋衡綴闕矩隨振流遷案紫微以下

類止八句其文曰地平安加立運所履錯勒于隅若知出地究茲立運去極幾何即游是問赤道重衡四弦

未案中州文張上絃案元文北軸移影相望筴案元文

表作牙日用一推星兼二定距入宿兩候齊眎巍巍其高漠漠

其遙蕩蕩其大赫赫其昭孰曰無形而兼曠考案此二

類作步似之間肆所曠考明乎制器運掌有道法簡而中用密不窮

歷較古陳未與伴工猗歟皇元發帝之蘊昇厥羲和萬世其訓

釜儀銘案釜元文類作仰

不可體形莫天大也無競維人仰釜載也六尺為深廣

自信也兼深廣倍挈釜兌也環鑿為沼準以溉也案此二句

元文類作振漑不洩繚以澮也辨方正位日子卦也衡縮度中平斜再

案元文類作載也斜起南極平釜斲也小大必周入地畫也始

周寢斷寢極外也極入地深四十太也北九十一赤道

斲也列刻五十六時配也衡竿加卦巽坤內也以負縮

竿子午對也首旋机板案此句元文類作未旋機杖窾納芥也上下

懸直與斲會也視日漏光何度在也賜谷朝賓夕餞昧

也寒暑發斲驗進退也薄蝕終起鑿生殺也以避赫曦

奪日害也南北之偏亦可槩也極淺十七林邑介也黃

道夏高人所戴也夏永冬短猶小差也深五十奇鐵勒

塞也黃道寢平冬晝晦也夏則不暮永短最也案元文類林邑

介也下即接深五二句奇作二黃道夏高作淺赤道高

戴作載夏永冬短作夏短冬永小作少黃道寢平作深故赤平安渾宣夜昕穹蓋也六天之書言殊話也案四

暮作沒文類止作二句日二儀之揆孰善悖也案之元文類

天之書日渾蓋也牧庵集

卷三

六

何以指為告無煩喙也聞資以明疑者沛也智者是之
膠者怪也古今案元文類作過者巧厯不億輩也非讓不為思
不逮也將闕天朕造物愛也其有俟然昭聖代也泰山
礪兮河如帶也黃金不磨悠久賴也鬼神禁訶勿銘案元文類作壞也庶勿

太史院靈臺鐘銘

靈臺設簾嵬以尊懸間大呂非其昂摯曠善鼓手自煩
宮商良諧等金盆請勿以聲以功論一日之中兩昕昏
二十四鳴有度存九圍一圃折柳樊黔首時作時養殮

日月如是相告敦三辰聽命循軌垣四序不忒迭寒暄
萬物生翕盈乾坤何獨治厯道此源凝熙帝績高義軒
積世而運會而元吉金之舌慎莫捫輟響誰其代天言

大朝元宮鐘銘

吾聞儲祥千石之鐘離世蕩訃不脛而趨朝元之宮器
碩而聲洪震百里而千層穹千柱之下侯叟侯童萬指
攸藜旦旭而昏蒙其出其作其偃其饒必告而使之齊
同倘其微功從可卜斯道之污隆方昔污也金函索索
以灰滅故噓希聲而為聾及其隆也玉書幡幡而天出

牧庵集

卷三十一

三

則播大音而爲聰矧善藏用乎中不擇棄人皂隸王公
手以問之喙應無窮如橐之鼓風我書魚蟲界之鏤工
期萬斯年與之宮兮相終

宣慰都司郭君實持眉歛研相壽僕以端研報之
渠後遺姬令伯陽

端爲州濱海浦孕奇石研資取雖器也視爲主彼其子
腹枵宴求一辭瘖不吐第塵棄瓦甃伍中道歸伯陽父
遷喬木鶯其羽之賢曾蟠三五出言章氣風雨述聖哲
誅姦竄其爲價琮琛瓊資山石非速腐後視今今猶古

讀吾銘孰敢侮

劉無競歛石研銘

黻歛之產石則實黃金爲聲蒼壁質德先如是疇可匹
無競惟人士之吉銘以發幽友燧述

贊

無名人真贊

古之遺直今見髣髴何其百年凜有生意緬懷用世愈
益可畏宜使羣公笑言寬味烜赫大名其所被衣世百
年干其有可旣也耶

太傅楚公像贊

盈常之躬碩大而豐氣肅而神充自非降嵩與三光之
鍾能生上材之偉雄

牧庵集卷三十二

元

姚

燧

撰

賦

烏木杖賦

去年史仲威得烏木杖大徑尺高可過顙嘗析
一杖遺余許為賦報之其秋仲威疾歷三時未
勿藥也今年余生朝使人肩木之半相壽且促
日吾疾於以嬰綿者豈思不償賦致耶不佞誠
得一誦其辭或可釋杖而起矣余勤其言而賦

曰

或曰炎海之山珍木產焉金爲之聲石與其堅離結伐
荷投諸瀧淵依居蛟蜃漱沫濡坎歲月俟之化而爲元
要出人爲非得自天此島夷假以售利於中土之微權
也抑齋聞而笑之曰昔賈鬻鞭梃蠟其膚市者一濯已
呈蒼枯胥是黝材裏表一如從可占知迺受形其本初
者也胡子以由彼而然乎今夫中山之山有眾其植斧
取觀之內各異色樟作稠文杜棗例赤檀柏柘黃蒲櫨
槭白與爾萬里遐裔絕域瀘嵩杉紫儋黎沈褐罽賓雞

舌相半白黑一隅斯舉三可反蹟茲度品之爛爛果熟
漚以何澤况於兩間滋雨噓風敷土華耀爲白爲紅深
淺濃淡萬不齊同令人感之欣心悅瞳問誰爲之能然
皆著妙於化工夫其見諸柯葉之外者如此又何惑理
質於其中哉且水火之赤黑不一其色者雖童子猶能
知之至語其相賊而爲用有戴白之老所未知維男丁
與婦王實雄黑而赤雌始若離而難馭終爲夫之所移
今其色之幽幽乃昔赤之由基是何資於遠譬只煬竈
亦可闚彼炎施而烈者焰也其烟液爲煤必黔而緇因

牛府集 卷三 二
以曉夫巧繪之棄鉛朱亦懼夫既久漫漶而爲黦又以
信道書坎盛之侵離也不然南服之洲祝融之宅也歎
金石而焦流蓋火熾之已極非盛其水以滅之則物將
不能以生活故伊人之睟面不渥赭而深黑亦火色索
藏惟獨見夫水而已矣其木理之如漆者又何惑乎哉
史鮪之孫其畏可象析而杖之奔走相餉輟矛廬於猛
士配几履於席上試扶衰以起策觸爪甲而鏗響思卷
鐵而含簧陋柳侯之爲匠必求同於所異纔黑蛇之拂
彷彿物之變化不可期兮猶足以乘雷而騰往也

五言古詩

寄王憲使立夫

庭樹生秋風炎熾奪如失小蟲鳴嚶嚶高隼飛颯颯
懷素心人若髮未忘櫛百年能幾見過眼徂電疾而君
有官事出言千里律何暇喜蛩音情與逃空一昨因趙
卿至戒遣書新述鷺鷥不害多無憚費紙筆且約來北
州罇酒畱十日晴天逼佳夕共看華月出非不思餘論
門無一親卽吾私如汲車已脫復縈繻晚菘生待種早
稻行可銍少須黃花發秋風亦蕭瑟倒冠獨山巔茲遊

或能必

次韻閻子濟二首

我友宋僉憲頗聞思湘中每云所遇奇未易言說窮崇
蘭春風花巖桂秋露叢三年一官內身在香國東朝航
汨羅波翻動海日紅暮揖嶽麓寺蒼烟樓觀隆喧喧名
都邑百貨聚商工何時訪君遊盡歷西南雄

霜水收風濤江船穩歸路惟應江間月照汝來往屢長
沙隔南雲尙飽艱險趣天涯念棊錯睽闊皆舊故新知
苟會心何必歡有素黃鐘未懸業眾日齊瓦釜大音故
希聲欲說難至戶况我言毛輜誰復聽其句所恃君盛
年學仕猶未暮丈夫重道義自足輕外鶩觀今紛華儔
愠喜隨一苧願終藏山書榮於鹿鳴賦

寄徐中丞容齋

李侯安慶來遭君江間梅問云歸湍水示聲偶及我自
揆衰鈍質舊學日兼墮百事於大賢資取無一頗始疑
逢蒙弓亦有虛發筈終知匠石斧材不捐瑣瑣增慚失
喜餘背覺芒刺荷平生聲相接睟面見未可文字親友
間屢得觀藻火况聞閑世故盤走夜光顙仰止高山思

願並餘子夥，歷推天日行。蟻右風輪左，吾徒不相值。其故正此坐，何時廣陵遊。傾蓋願終果。

寄岳教吳忠欽

我友右轄公，人物慎臧否。獨干甌閩士，推心一忠欽。勝國已太博，椽筆入其手。用之敵于將，可斷姦窳首。一軌名始北上，徹宸纘。鞋蒲車嘗及門，竟以疾自守。不使橋門觀執轡，餽黃耆。余聞敢藐藐，日月藏心久。秋風歸天岳，往綰州學綬。堆盤青青橘，求薦傾蓋酒。何人天壤間，亦有牛馬走。問知爲高賢，重壓邱山負。行年滿卦數，不

見顏如叟，翻比少九齡。衰悴先蒲柳，只看形諸外。已卜丙所有，如何辭萬鍾。反就祿升斗，無乃仁人心終始。一善誘非有，金鏞德安應。小大叩且溫，右轄語通誦。或盈口，因知人有媒言出。隨好莠，豈但資娶妻。亦賴用擇友，不期一日中。三接杖履後，甚欲進所業。一嘗恐輒嘔，至今貧賈肆。深櫝千金帚，灑泉聞素心。亦誤見私厚，諷讀卷阿篇。明璣照軒牖，其稱媚天子。例必登拜受，鄙言何足道。魚目辱兼取，敢不先木桃。旋期報瓊玖。

挽孟商州元亨

六里商於山而子往倅之人嘗隘其邑霜蹄踟躕奇所
欣多曠暇得以放瓊辭城闌四皓墳下有餘紫芝長吟
薄采采薦以松醪卮娛樂豈不仙久此壽奚疑如何奪
善地調降華判卑方聞有力儔揚譽於雲達佳城鬱長
夜白日見無期因傷先待制抱業旣未施積壽宜及躬
年位亦如斯覽古事每爾爲昌來者基秦藩官聯曹生
別且長思雖余後聞訃宿草甯不悲春水清漣漪營魄
今何爲

挽甥婿

趙商來叩門袖出史侯書開緘倏惻愴知汝已元閭是
侯太尉子兩嘗妹婿余汝視則婦翁見訃語豈虛有疑
讀反覆不見日月初汝昔似猶子嗣業文貞餘文貞今
畱侯乏世理可噓吾甥顏薜豔令譽由閨居及婦劉氏
門輓紛結華裾其姑况難事厲色歲一舒前年一子生
在亡未知渠茲焉抱惇嫠茹苦何日除南州穰侯國臨
湍上高墟東望酌一觴老淚血漣如呼魂遠致否已矣
何言歟

京師病中六首

埏土以爲楛小大不異形尺箠以叩之千百不同聲耳
去目能幾同異乃爾爭二物於吾身受形與俱生云何
一易地聞見皆聾盲况於六合間擾擾羣黎行妍醜旣
殊狀賢德豈齊情區區出門交心曲安可明膺仕初足
華終竟外侮攫人云禦之策惟有安歸耕

古人不若意得酒以自歡而我不能飲安敵憂患千臥
病兩月周日夜防痺殘神州桂玉地富室居猶難三千
里外身驅率就一官吹灰終不然豈但枳棘寒囊空到
稱假豈能久盤桓又顧穰城家新立四壁單小兒雖善

步神骨尙未完吾家三族中慰意獨此看思之腸九迴
何以生羽翰

少年厭治生但慕官爵好騎馬雜高蓋奔走長安道雖
有良田園廢沒但蕪草及爲荆楚憲盡室辭豐鎬登山
復涉水往費尤浩浩黃金火銷冰質賣無一保豈無升
斗入喪失岳山倒滄海去悠悠白日行杲杲朱顏先顛
顛素髮亂蓬葆今年四十九知非殊不早稔嚼世味薄
滿口木膚槁人云豐城後接武瀛州島安知走朱門惟
去是求禱朝允暮載途南土甘投老買宅亦已得求田

不多寶此邦衣食易宜稻及桑棗時節勞農苦對酒槃
一考與汝車上妻從人喚翁媪

束髮慕元理佩服三皇篇干周粲可覩不受天老傳得
此西南朋飛龍亦潛淵神哉中夜氣使我沈疴痊如何
負道德疊疊區中緣逝將脫塵鞅庶永桑榆年

寒風振虛幌蘭膏淡無姿披衣復撫枕傾耳候農雞夙
昔不成夢憮然嗟吾衰盛年苟無聞光景忽若馳欲爲
流水吟朱絃爲誰揮恥從季主卜將與陵陽期

古來方術士越人與長桑採芝鍊五石繫肘皆神方伊

余抱微病湯液已徧嘗斯人不可見反側心煩傷倏悟
養生理靜極神明康致物以卻老嗤此竟渺茫

平章廉公挽章

嗚呼平章公懿質天所性氣鍾三光粹量包九澤淨加
以資學問寸晷如與競不有斯人徒孰佐天子聖山立
當軒陛侃侃言議正蒐賢及耕釣巖藪沾幣聘十年泰
階平四海弓不檠餘材管蕭匹餘子非季孟事隨乃來
毀輦轂奉朝請名園平泉比花石不可姓門前施行馬
外物軒冕盛相過盡詞伯聞至倒履迎清風佳月夕劇

談雜觴咏絕口溫室樹肯千蘭省政屢興千金裘好客
遠慕鄭焉知靈臺上憂世常炳炳天下尙可爲惜哉司
馬病何期龍蛇歲壽僅滿知命憶昨訃下初遠近聲淚
併胡天陋巷仁反福東陵橫巫陽不可作百載生不更
豈其黔羸遊默運元化柄其栖景星鳳出爲斯世慶將
遂爲神明山川主零崇蒼蒼高在上此理幽莫鏡優孟
效叔敖猶足楚人敬况公自有子毓德宜爾令不見提
刑君氣岸殊豪勁秋風鷹隼厲肝膽裂臬鏡他日霜瀾
平勲業未可竟一門周司徒竹帛相輝映

時苗畱牘圖

君子中庸貴不專行怪高嘗讀稗官書抵掌嗤時苗生
犢當去縣還汝故主宰得妾以其子宜往何所畱理在
不可推如瑟柱傳膠畫師斷章耳意取警貪饕貌爲盈
尺軸丹青爛生綃二十餘七人妍醜兼耆髦目旣殊盼
眇手亦異持操或戴爐炷香或捧卮薦醪或擁板伏揖
或撫手逍遙或結頰竚思或左顧有求或岸巾爪額或
拳拱僂腰或賞彈指嗟或戚反袂號或向緇黃列致辭
前不休或含春風姿鬢髮雲爲翹仍攜兩童女芳年未

蘭茗婆娑輟緝麻倚巾顏弗妖或荷橐鞭犢或弛擔挾
輶可傷轅下特滿脰黃鐘牟忍割馘子愛如彪念楊修
凡此舉隅耳曲折態豈周名不著爲誰代可必前朝位
置內供奉無乃王雲曹憶與三害圖高下不相超所恨
百里侯骨相尋常流不見操介介盜眸容昭昭以是方
古作如武美箭韶余評法魯史功罪不少饒詩拾畫記
唾僵走追韓豪已架屋下屋他日從人嘲

荏葦嘆

瀕江不可禾歲惟蕪葦茁青林無端倪永與江水匹由

爲薪蒸恃責以租賦出園人誠貪夫苞苴黃金鑑暮夜
鑽權倖入牒妻子質輸課或未償沒之良不恤他家豈
辦爲得者皆富室秋風霜霰落百穀時已實處處傭干
夫豚酒健刀鋌糶載向城市官外私羨溢遺滯狼籍陳
入者必見叱或因取束蘊隨以盜米律春風將新萌剪
伐未十七下策付一炬災火赤天日坐視煨燼空不丐
民貧疾因推是爲心可見無仁術周官行虞禁爲法未
爾密亦已開市源千年誰能窒

舟中落梅

折梅天門山含白未舒萼東風登艫去一笑破孤酌嗟
汝如佳人賦命所向薄縱拔榛菅蒙還持媚篷箚方彝
縮頸脰借潤江一勺固泛水月奇復避霜雪虐曉芳惟
衣襲夜影燈與約相攜千里行十日春有脚開敷既爛
漫理亦宜飄落正愁鄰檣姝橫玉裂織擗適應故山樹
縞袂已寂寞紛然委泥塵無此藉茵幕卻有和羹須旁
求到巖壑幸否相倚伏世事安可度益感先民言貴賤
隨所託

書懷二首

南州仲冬月天氣如春暄旅貧無衣褐差便卒歲溫別
又稻麥價倍蕪賤都門不待付千錢翠濤漱盈樽瀏瀏
水泮冰舉網鱸鯉繁蔬茹不鹽酢旋擷青青園謀腹易
爲飽足頤道義尊地偏席門外時有駐高軒華簪惠秀
句欣賞難具言已可慰離索適我從弟第五馬近守裕
思往三日暇考槃在茲陸吾駕無回轅

麴生素狂士濡首相禍賊誓言遠絕之麴生愠見色前
陳君處世簪笏已雞肋貧賤交態薄獨我時在側旣通
知舊好亦健文章力衰顏借渥丹愁壘助攻墨論功猶

牛庵集 卷三 十一
小小況有此大德君看無何鄉與彼華胥國百年忘彭
天萬事齊失得是邦去人間奚翅路千億非我導之往
君安有羽翼不知何所負而乃見猜復君誠中道棄豈
無他人迹聞之始自曲前語吾其食願終平生歡相對
怡朝夕

送朱教授野翁赴都下

江東窮秋月風露已淒清候蟲息沸響朔鴻喧哀鳴壯
哉騶人子裹糧事北行都門于茲時飛雪九衢平市求
一狐腋委擲黃金輕廣文先冷官未愁與寒爭况恃身

上衣手線畱縱橫不須更挾纊襲可春暉生但愁觀國
光牛後羞羣英長安足故舊朱輪照華纓蒐才佐昭代
不遺一藝名譬彼求王人路無棄連城夙料身未至薦
剡有飛聲藉此一簣基旋觀臺九成相摯或見問爲言
親敲榜晨夕几間書促促衡石程無庸移文至始反北
山耕

題姚嗣輝南楹堂

彼楹有土性生植惟峨岷巒巒千雲姿才與樗散鄰匠
石過不睨煬夫取蒸薪所貴故山樹寧計世莫珍一別

十畝陰清溪俄幾春華名堂楣上如對故鄉親請事小
弁詩桑梓亦惟寅盛德古自卑木惡何關人不見榜里
疾智囊終相秦君才負棟柱未許溝斷均無以楹自期
上孤明堂晨

送梁貢父尙書使安南詩并引

貢父吏部交予最密以年偶先嘗兄之較其逸
足絕塵予輩皆瞠目乎後者今使絕域賦長韻
以送之

茫茫今皇輿歷古疆理徧溟海無洪波喬嶽失絕巘萬

方爭率職象胥不能件如何南交宅琛貢走籓衍中塗
俄負固至爾勞師遣峒強尚與爭爲識無已淺聖量終
含宏恐彼宗社殄前迷許新之未忍再禽獮親閱庭臣
中誰可銜命選曰汝吏書曹是境嘗入踐更往喻斯旨
首鼠疑必免君聞拜奉詔臣技等鷹犬惟所縱使之綿
力猶思勉仍命百僚右相率華飲餞鞭馬辭神州遭我
乎漢沔鼓榜壯于役未暇兒女泣似聞陳王氏學以究
墳典文物知慕華舉俗已丕變因失事大禮無媒自求
戩君至敷利害疊疊專對善正如沈疾人發藥得和扁

必感丹旻衷偕來覲旒冕白雉隨以入黃屋亦席卷何
減陸大中儒生服鄒充璽書入南越坐屈尉佗辯但乏
橐中裝歸路千金輦功成貌麟閣竹帛日星顯多少前
使儔垂頭視人覲

雲東樓

君家雲東樓未暢昔所題聞言雲之東下有吾東溪翩
翩多諸黃玉槊華簪齊無因我其舍履容躡丹梯于時
十月半風雨號雙淒八荒同一雲豈辨東所倪平生未
至地愈望溪愈迷但愛樓中兒鴻序參差低大兒行酒

觴小兒盤栗齋媿變膚玉雪嶢嶢頭挿犀門楣已可占
奚由墜塗泥且歡盡今夕明日當分攜歸舟何所逐泛
泛並鳧鷖雲東樓中牀竹裏雙鴉啼雲東樓下花移芳
滿城畦兩皆思君物凝望雲東樓每壯尙意氣門馬堂
滿蹄誦我雲東詩回首還雲西

田氏樂門堂

憂樂惟聖人萬古無少蔽所樂乃樂天所憂在憂世不
悖可並行譬彼巫醫藝巫云疾當死無日中野瘞爲子
猶拜醫懇悃求投劑巫者猶命言醫則以義制萬事天

人雜略不相鑿柄後人昧樂天顧託門永誓揆道良不可忘君自爲計一塗或庶幾奔競差可礪田侯非楚產今卜宅三澁良駟滿千蹄連阡禾稻翳考槃願止此暇食誰之惠豈惟憂世忘其樂亦已細南風墮華教堂扁託書隸已有雪崖筆妍壯安敢儷翻思漢諸田實出重華裔吾姚源媯納循本皆同系平生未傾蓋深言應速戾要爲兄弟警慎莫輕裂皆作詩至元年十月戊子歲

題肖齋覆甌藁

至元戊子十月上澣余啜茗肖齋偶見覆甌藁

漫不知何人之詩質諸夢卿始得爲渠作持下
帙歸再日反覆究觀古意疏暢洞達近體清拔
奇警有作者風實足起余爲次首章岳祠韻以
見推服之私其詞曰

將種張用道六籍窮軻邱矧於前人光克對實無羞清
名海嶽著廉潔冰露修惜也蘊未伸封猶千戶侯興移
登石廩萬象供冥搜東馭扶桑波北瞰洞庭流一杯英
皇弔爲洗蒼梧憂重華老南征其故難詢諏復思靈均
降攝提貞孟陬真堪書咄咄已矣賦休休

至元辛卯再過吳城王祠師雲谷示東坡所藏石
罍畱詩贈之

別來四周星尙爾雙鬢綠且矜氣彌厲能新火餘屋因
知道氣深舉羸當時屈我髮已霜草衰薄不禁沐豈但
形容然志亦忘石鏃今年雨何甚湖漲冬未伏白浪如
銀山行舟避騰蹙倚欄乘雲閣聊以寓歸目非君誰能
來寬此冰炭腹

夕佳亭

甲午冬十月洪都雨潺潺三旬乃一霽羈思忽若刪驅

馬柴君居突兀拔市闌炎州清霜晚林葉恰半殷已有
朱茶花照耀菊斑斑亭依湖東岸坐對江西山西山兩
舍外如立步軻間鮮鮮沐濯餘翠葆萬煙鬟夕陽借佳
景盡發天所慳只知柴桑翁芳躅人無攀焉知此凝睇
亦與飛鳥還主人退自公時得兼爾閒明朝駕君去依
稀動心顏

吳君澹軒以大德甲辰冬自潭移錄道教於洪示
內相疏齋前爲潭憲日贈別之什燧賦跋之誤書
澹軒爲鶴臞亦道流善詩者還之欲余改書以無

暇并前書失之而來求數數不置爲別賦此

詩僊石崖頌繼作惟澹軒嘗示余三藁披閱再朝昏盡
卷長太息造語清而敦豈於三百篇口吟瓶水翻非然
學猶龍寄身道紀尊理洞萬物母氣完中夜存所以兼
儒能由心徵其原洪都一傾蓋以受儀茶溫旋出疏齋
叟湘東贈行言寶唾楚臣拾結貽皆荃蓀旣爲大夫譽
月旦窮癡論因羨靈奇賦偏爾鍾斯門閒閒隔神州聯
璧難弟舅何時聚伯仲貫如吹篴壘當今載賡輩際舌
無庸捫

題趙平江令清溪

昔我行簡地生齒經戰伐蕭條煙火稀路紆豺虎窟是
時霜天後黃葉隕林樾彌望皆青山巖岫高兀兀下有
清溪流未審何源發濺濺寒碧流爽欲徹毛骨朝漱巫
峽雲夜泛峨眉月主人已避地何所猶奔突安知卽令
君膺仕方吳越且恐清溪名寂寂人不日身縱不果歸
取名目表揭而我豈善文詠詩慙求謁知君桑梓志未
忘西車軌何時真脂韋一弔故城闕還訪清溪水獨喜
存不沒但慮彼淪漪反不識華髮開樽磐石上坐歎遺

牛所集 卷三
簪笏莫使猿鶴儔相噴泥塵鞮

落照

落照在東壁倒影西墻紅
我身恍自失如坐虹蜺中
問誰爲此幻無乃由天公
故出新巧奇欲試詩律工
彼哉誠善戲拙技恐易窮
斯須忽變滅寒雲翳蒼穹

右丞索賦復有此作

南地秋冬際五月無雲陰
上帝遣心膺用汝作傅霖
新苗飽新澤布地勝布金
吾民未乘高示爾風雲侵
世事祇如此憂樂長相尋
皇天老眼在一如父母臨
人心惟

順受天意良自斟助爾耕墾力
宜我豐穰心無非聖所感共戴君恩深

和灑泉二首

老成稀何如月出數螢爝
一粲見典型誠想優孟謔
三年東吳走敬望縫掖綽歸路
得夫夫欲灌四鄰瀹餘事
乃文字噓動如橐籥愈出愈益
奇險韻安足縛又凜如干將脫鞘
爛霜鋸勿云乏鏤冰滅迹郢斤聖
問渠筆何力砥柱幹不弱可方騶
雕龍不下韓逐鰲僕僕雖亟拜
未酬嘉意醉由茲一饜飫噎噉屠
門嚼自許宜何施庶

幾晨門柝遠以安石輩月旦無太錯視君千仞鳳巧弋
避繪繳何時鳴朝陽免聒鶴鶴虐壽人百年耳過眼奔
電灼難聚真搏沙易散劇飄穉相逢一觴詠豈不賢某
博由淵爾何人願學言志各

草木凡根荄託土乃恆性獨暢弔蘭生無藉地氣應懸
叢危檐上朽索以爲命青青雖弱質不挫霜雪勁敷花
况妍好妝陋桃李靚依依光風汎皜華月暎香疑非
人間恍若來空迴詩老杖其下清芬誰汝競兒女奚自
攀安辱寶釵並但愁姑射僊綽約玉顏頰一朝乘龍過

袖去逐無逕我來昌邑山豪欲分廟令必云付环玦與
奪神所柄不如且止之俟旋滄江艇殷勤先杯酒隨以
奇貨聘歸詫石城人管且化工盛

楊補之墨梅

原注肖齋家藏

古之賢達士名托技以傳由來含毫人不及縑楮年雖
求異世知存一遺百千偉也清富君綠髮金印懸脫落
貴介習博雅嗜奇偏鉅唐鄴侯架寶晉滄江船墨梅取
无咎軸首珠犀填使有透絹詩詎讓花光前虛堂清風
夕歛襟泛爐煙對此冰雪姿若失炎燠然令人起幽思

杖履西湖泉

武昌寄劉時中

思君誦君詩賢於對君顏昔也坐我側守口如閉關今
茲言盡懷翻宜隔湖山文章靈竒氣賦與天所慳古人
遊已遙古風力孤攀及肩曹劉壘窺奧長信班不取爲
貧仕傷和賈清潛仲尼且委吏重耳嘗險艱丈夫無不
爲大昭况能彎入手無眼箭安識邕容蠻歸來弄綠綺
九霄鳴佩環挾是文武資未憂身恫瘝大路橫至寶誰
不收裒還報章因南鴻滅影秋色間轉令感白髮羈思

無由刪

過開先寺

天人喜遊戲試劍當層巒截路萬丈崖瀉出千丈湍隱
如白瓊瑤蘊此青琅玕仰睇轉飛動有物相控搏散空
摩尼珠受以頗黎盤龍公日夜汲暘旱不敢乾纔足供
騷人萬古詭異觀我來過中歲素髮紛垂冠窮源歷絕
巘自懼身不完但能至其麓蔭翳松欒欒嘉與萬上人
榻然坐蒼髻揮杯吸微液已足當朝餐明發入黃塵復
爾俗務干未期江山會石城清夢寒

過大孤山

左山如騰龍右山如伏獫約束彭蠡湖秋夏傍泛漱我行正窮臘豪浪殊未歛危檣蒲帆舞日出風力贍大孤水中央千尺人驚覘何人插雲根上刃餘折劍畱示爾後人萬古斷鼉驗至今鋒鏑赤猶帶膏血染昔當南北裂夢寐嘗在念一朝獲身歷償盡平生欠山靈必知詩投畀未爲僭

小孤山

彭磯擁千山布陣如劉沛小孤乃窮羽獨戰氣彌倍灑

願僕命之砥柱非其對層巔摩睛霄雲木搖旃旆大江中貫流萬頃納一嘷東溟供潮汐日夜至一再去帆天馬奔回首蒼靄外已愁風鷁還進尺亦尋退不及躡巔屹一覽淮甸槃

牧庵集卷三十三

元

姚

燧

撰

七言古詩

題甘河遇仙宮

并引

李天樂真人自余去年客秦日求賦甘河遇仙宮其地蓋重陽真君遇異人酌甘水為酒相醉之所由是名甘而不知甘即夏帝啟與有扈戰此今其縣猶曰鄠其名舊矣天樂託石子玉遣其弟子自秦入鄧千里求詩為之詠此鄠即古

終南下甘河水我挈瓶嘗作泉比如何仙翁酌飲人一
唾世上無醪醴是何濡軌不成川北流赴渭朝宗然東
海相絕幾千里餘波開此黃金蓮河之源委且不見味
更幽渺人豈辨詩翁乘雲能再來醉擲餘盃須一吮

扈字也

題西鄰王景韓茅亭次韻

朝陽洞深纔尋丈欠身舉手已捫上誰識中有盤谷客
黜陟不聞時得喪夸夫鐵甲薄于顛有手不解持螯盃
時許雪曉穿蠟屐踏破瓊瑤來看梅人家買宅得鄰幾
墻東避世渠妄比可憐過愛醉後書未見來禽與青李
猶嫌洞遠如隔波茅亭別構高容駝兩僮日聞語音熟
呼門不復相誰何

題張肖齋所藏雙鶉圖

日躔鶉首在夫未午爲鶉火已鶉尾十有二次分四方
彼鶉居南獨三次是鳥尾短不覆軀翼花斑斑鷓鴣如
首雖善鬪易馴狎握粟已逐兒童呼豈無鸞鳳爲月紀
未必星翁曉何以寫生亦箋爾雅徒耗墨晴窗費縑紙
天寒江北網如雲車馬輸充鼎俎珍今日此邦惟罕汝

畫師應不是穰人

謝馬希聲處莖香鼎

吳侯建盃侔紫鐵表裏斲毫瑩鋪雪每愁射日動精采
倒景過目睛電掣人云煮茗何足道黃金百鍊終不裂
惠然持餉耽詩兄供啜幽齋眞一絕馬家處鼎同青瑤
左右梁耳圓索綯預憂凝塵助脆滑失聲脫腕春冰拋
我思焚香固其物丹砂九轉疑可燒何當去求善畫史
取並清玩誰相高盛荷不慳隨所欲攜歸僮輩笑偃伏
白頭主人好惡異乃寶瓦礫賤金玉前年禁林辭千鍾

今乃貪此盈一劑但知焚香煮茗趣亦念饑僮殷雷腹
先生一笑呼來前五意汝豈知其然出門仕徑方爾窄
陽在陰中陽逆旋人來正可飲醕酒孔方交絕今幾年
聊將二物代飽德試問孰與空歸賢適有江西麥光紙
一掃新詩三百字爲余走送藝聖軒足與渠儂作回施

趙溫甫自汴託人求詩

傳君家今汴水在博雅外無他嗜愛牙籤架插鄴侯書
玉軸壁藏永存畫伊人何狀不及知與世異尙有此奇
楮縑且寶况彝鼎勃溪一室應累累我於朽銅如二豎

百藥膏盲攻不去，劇青拂紫可療饑。每被人嘲友康瓠，白頭畱滯周南村。怫鬱襟期無與論，天寒塵生碧水硯。日暮雪落蒼山尊，幾時月明虹貫夜。相遭傾橈千金價，定將餘有易所無。莫畏先聲避三舍。

爰齋堂牡丹

宣相家牡丹雖多，然止三種。玉板白葉底紫淺紅，惟二十一日最妍。盛邵子所謂看花須及未開時，今已凋落矣。錄呈時中。

繫帆盡室遊長沙，假館適許鄰宣衙。千紅萬紫紛爛漫，

獨餘牡丹纔蘖芽。苦遭浹旬風雨惡，手自插架扶橫斜。天香國豔付寂寞，已分拘恨歸舟拏。今晨青陽割妍暖，一日開盡三闌花。左闌後闌鬪鉛華，綽約仙臉粲朝霞。重趺單萼異肥瘠，玉環飛燕無敢瑕。西闌兩株玉板白，號姨色羞脂粉加。中叢昭容垂紫袖，朝儀雙引肩相差。非緣門前行馬設，已有遊女填闔閭。我昔綠髮江浦涯，繡鞵慣逐遺簪車。老來自信此夢絕，何意猶眩東皇奢。夜闌秉燭清味薄，晝短尙畏啼棲鴉。學詩未知正而葩，學書劣能縮秋蛇。酬春鳥可不一醉，二豪笑口人誰遮。

少川集 卷三 四
明朝芳蹊縱百繞彩雲飛墜何及嗟坐無徐黃寫生手
不拂東絹圖還家

大農掾樂子英求詩

吾友秋澗兼高廬詩稱子英發叢塗履霜兩楹草已宿
顏色不少平生殊先軫歸元如生面處父死敵固堪羨
慙德參乎啟手足淵冰要見兢兢戰卒絕纜盈遙遙孫
傳芳簪居終懿門尚期千古骨不腐血肉未敗何須論
三君將成孝子志皆借毛穎傳其事泉臺長臥誠有知
洛誦雄篇凜生意

張肖齋蠟梅爲黃雀啄食余家牡丹芽爲浴雞所

壞

趙家堂前蠟梅樹叢枝已綴薔薇露醉歸紅袖折簪帽
似與華髮慰遲暮遙應此日開更妍萬斛清香撲軒戶
如何肖齋茅簷角寂寞春風殊未覺君云落英地如蠟
欲破已爲黃雀啄可憐終是主人仁不把金丸散飛雹
我庭秋培牡丹芽屢灌期以開歲花曾覆一簣護霜雪
忽遭雞浴騰塵沙翠枚紫荔蕩無有枯枿齊試快莫耶
翰音無知無可詬汝口平日羞牛後豈無糞土振蚤蟲

拔菴集

卷三

五

非有黍粟充饑脰投畀湯火諒不難議功姑以能鳴宥
梅花啄殘開疏遲牡丹今同抱蔓歸靜求二蟲相惱故
無乃冥有教使之坐因吾儕對花飲歌舞不避傍人嗤
不如無花無酒過嘲虐狂詩爲誰作果如造物意在爾
玉汝於成德幾大守墨應遵老氏箴只取二蟲圖置坐

次齊彥提刑和余肖齋蠟梅詩韻

聞辭湘中巖桂樹畫戟凝香正風露此時清趣肝膈橫
逶迤半歲猶朝暮移節南陽但茅屋低雜邑人三百戶
冠雖觸邪心鱗角公論非我出先覺化行仁厚到生蟲

踐之未忍那肯啄定國治獄民不寃安有六月飛霜雹
萋萋碧草春風芽相逢官路黃柳花繡衣驄馬未出宿
先聲已過河干沙東西百里不易見况使南北千里耶
又聞不避南陽詬官舍盡室無一後已遣魚軒還潞水
但畏兒童瘦生脰久知是邦多此疾賢如元凱終不宥
蹇我白頭學詩遲少陵不作誰與歸仔來一月再惠寄
無乃有意幸教之我雖不作能知詩評君一語君莫嗤
古人復生不是過百泉梅花更奇作篇終用筆愈精緊
餘子工夫無許大東鄰好事有肖齋併取歸家玩行坐

招貢父探梅
去年南陽雪積丈苦寒更在燕山上荒園栢樹舊冬青
一夜生意隨凋喪今年半冬汗浹驢馬蹄誰是散銀盃
愆陽騰威蟲出蟄到處盡芳年後梅城中知春能有幾
千樹西園雪羞比不須乘雲過玉川但看明月輝桃李
願公伏瓮新金波我烹封磨如稚駝相攜吾黨二三子
白頭一醉君如何

次探梅韻

昨日余醉先歸貢父與史鄧州令妓歌飲至城

次韻

山頭落日高三丈我醉思歸馬先上來及城門市已燈
纔下雕鞍路迷喪行人笑指駢肩願不見使君荒郊盃
百步一止歌吹發清切驚落千林梅是邦能詩輪指幾
橫槊吾猶驍健比夜深卻怕醉尉逢不識將軍隴西李
近聞北涉漢江波千錢糴穀載一駝吾儕寄公不喜樂
其如負此時平何

楊丞彥先見和復次韻二首

短兵最長不及丈善用遠在威弧上惟君詩筆可配之

未信於今士風喪無錫如花越女顛人云無此不持盃
解組歸來臥衡宇寂寞巡簷空嗅梅出門欸段朋儔幾
我策駑頑時竊比不繙異書友蔡揚且玩奇石傲牛李
一日不見古井波相逢莫話襄銅駝白沙翠竹江路好
蒼生安石如卿何

直饒白髮三千丈猶賴巾冠蒙在上縱齒眾中人不咤
年少風流氣先喪最恨白髮磔顛顛麤未飲先垂盃
顏壯自羞追勝集不是有詩真負梅兩疏黃金在餘幾
人手把玩春冰比莫從車上貢餘桃分棄路傍齊苦李
萊田茅屋臨湍波持家惟有書數駝欲教兒癡未解讀
及此正可遊無何

八景樓

公平何年謝鈞軸結樓臨此湘一曲太行山色高入雲
千里空青照沙麓胡爲捨之不命駕無乃風土西南熟
丹梯不樹三丈旗已使元龍卧牀足世誇八景何足道
自有萬象供遊矚因之不遣別製名可見靈臺不違俗
樓中儲書三萬卷時與多聞來勘讀每讀北海空樽疊
差比東山廢絲竹卻思十年帥豈管日夜不解衣三屬

今起跪必依人半是左江炎瘴毒幾時按圖數包貢
尙恨未縛交州牧區區與公晚傾蓋握手論心如昔風
歸檣相就煩屢別濡滯憐儂晝三宿莫言處陰影可休
安坐晚食能當肉九重方務老成人會見鳳書來起復

江激漁舟圖

漁人無田鉤爲耒生長水中安於水解維一葉信所如
朝發荆江暮沅澧湍施梁筍淵罾罟謀食日掇獺獮餘
無產可乏佐軍策作偏什伍官征租年年冬月寒潭碧
鳴榔驚起蛟龍蟄縱橫沈網深刮泥鼓鬣潛逃萬無一

小魚大魚盈千劔刀腸斧首砧脂膏然薪夜照作鹽腊
百步未至聞腥臊越商巴賈持阿堵接艫連檣爭售取
首腸不棄亦酢糟豈惜羣分命如縷杜陵實獲我心人
解道困魚魚有神縣官丁役連四海計口算賦何虞貧
問誰畫此非無意尺楮無裒惟有刺前年下詔蠲此租
咸若君恩小天地

畱別奉御李侯

李侯吾取何所似騏驎絕塵日千里人生一朝天地間
凡馬焉能託生死觀其平時善赴義竭蹶出門常倒屣

物類集 卷三
千金傾囊報一餐片言杯酒忘百恥靈臺雖負橫水鏡
月且絕口不臧否果如形勢心所非避喙教腴無一唯
族胄貴挾北方強是性受得由母氏乃知眾善出天賦
齊變而魯非學使拱璧已云曠代珍小小瑕疵何足指
適吾有覽吳會興握手不謂遭南紀鸚鵡洲邊月再盈
朝出暮歸同轡箠日復一日無怠色骨肉未必真能爾
古人亦貴意氣豁論交何必同調止况今卜居尙悠悠
白髮相捨誰鄰里非來漢陽卽漢陰斯言或食如江水
清明日陪詩僧悟柳山登落星寺詩

抵掌女媧前功捐鍊石力盡還實天怒飛十有八萬里
擲陷彭蠡三重淵藏山於澤信所力愚公欲移重莫肩
州民譌謂恒山路漫向麟史求何年安知自爾牛斗躔
天穴上當匡廬巔銀河一決不復塞至今飛流掛長川
我來正逢槐火節艤磯整繫東吳船相攜詩僧上佛閣
箕踞對酒談其然渠聞舌橋若自失子辯乃出鄒衍前
何書太古何所得爲言鳥有先生傳

檣烏

吳城山頭尾畢逋飛來行舟檣上呼舟中主人適中飲

委肉投飯供朝晡云是巡湖王使者從卜禍福知前途
家人化之亦信向恐我偶忘或誤驅絕嫌魚網戒張設
見彈必毀仍藏弧因思神林鳥亦黠怙勢不必專城狐

過龍興昌邑山望湖亭

去年憶登望湖亭騰雲凝空雨雪零撫碑三復石罍記
賜觀欲藉王威靈廟令老人曰嘗有煙塵失自兵初經
南昌歸來舟復停亭邊楊柳春風青纔思會稽探禹穴
湖海濤瀨達東溟牽牲榼酒來炷馨再拜卜吉王之庭
洋洋在上孰敢侮正虞白日飛雷霆廟中道流師雲谷

顏色憔悴如獨醒率然一物置我所五采十襲再緘扇
槩鋒劒脊握有半鋸刃鏡若新發硎一砭疑爲扁鵲石
三嗅尙帶陳隼腥惜無矢人與羽箭關弓試繳鴻溟溟
重爲雲谷語丁寧莫輕新識君其聽平生記古此第一
過日暫忘心已銘商彝周鼎總後出逆推已有三千齡
百年天闕孰曰壽嗟我與子其秋螢

牧庵集卷三十四

元

姚

燧

撰

五言律詩

感事

致位丞凝地夔龍伯仲間星當朝北斗日已薄西山取
謗因讎惡貪權失丐閒此行雖鐵甲未足比慙顏

輿病高崖道中作

役役乾坤遠栖栖道路頻五年三入蜀十夢九歸秦塵
病偏凌客山英定笑人無勞問前渡祇覺白頭新

發舟青神縣

青神開百丈江岸轉荒涼
薜荔緣松起藁葭並竹長
深披豺虎徑毒犯虺蛇鄉
何莫非王事農夫可惋傷

舟達黃溪

草木隨寒暑殊方榮悴同
葦華兼露白檉葉未霜紅
日月雙飛鳥江湖一病翁
晚來沙嶼上愁坐獨書空

七言律詩

大都寄盧處道

家弟去冬溫室見玉音
問汝死耶非因知洛下思常切

雖樂江南告已違
一旦去妻鄰舍棗三年遊子溧陽衣
無尊君父無親母有底牽畱未卽歸

元日

昨夜中星仰看昏
攝提驚轉帝車轅
三千單紉苦寒盡
五十二年今日元
與宴記霑魚在藻
退歸甘兔鶴乘軒
膝當木榻穿皆穴
髮比霜蓬不斷根

四年甲午再過龍興訪雲谷
玩石罉畱一月而還
贈之

石罉射隼中應雙
一集陳庭一此鄉
楛笥久隨毛血化

石稜猶作劍鋒剛知音道適逢坡老得寶神陰相豫章
廟令收藏要知法謂看垂矢在東房

感白髮

霜鬢休輕比素絲素絲經染一爲緇參同知白意端是
始終守黑更無移不似鬢毛難上色百方無有再元時
點檢形骸無一可醒尋泉石醉吟詩

寄題陳肩夔兄弟夢草堂

謝池草句本無奇千古流傳五字詩祇是可人醒枕席
許多生意在堦簾信渠風雨聽眠處快甚江山得助時

顧我此懷今已矣羨君兄弟撚霜髭

寄題武安節推同年萬君定翁露香齋取趙清獻
夜則以日所爲告之天也是官也蓋清獻初仕云
盡將心事寫成碑大要操修在不欺此一瓣香前輩似
只三箇字老天知素瓶貯豆應先滿匹馬攜琴料自隨
吾榜得人今又甚會排介甫擊升之

道中卽事十九首

半生奔走路塵紅老合投閒向此中炙背可親冬日更
脅肩休笑夏畦翁前除梧檟皆黃葉別院橙相尙綠叢

榮悴不齊誰使爾欲將斯理問高空

點檢荒園新植物長身君子不居中花惟名牡堪爲牝
竹旣曰孫元有翁九月未霜先挺荔幾時因雨試移叢
欲爲奇品少遮日早願新梢高拂空

閒人闊略俗能容胥責區區禮法中泥酒有時遭郡守
借書嘗夜過鄰翁江珧荔子幸同味玉樹蒹葭何敢叢
交比盧仝儘平易猶騎驟駟上虛空

月出瀼瀼秋露濃舉頭天運定方中休官止酒愛陶令
對客賦詩輸杜翁燈盡不挑垂暗藥聲閒聽墜枯叢

馳心弄墨誠餘事度日悠悠遠勝空

買犢賣刀方課僮躬耕來此近隆中護堤纔置木龍子
穫稻已輸秧馬翁林遠薪蒸難似桂庭荒藜藿茂如叢
金穰已應田家卜儲粟瓶知不告空

人家山郭蕭條裏客子秋光荏苒中川逝無情將老汝
土非何物不悲翁雁書終日度遙漢螢火經霖生腐叢
只有文窮能作祟一時袂送若爲空

富貴貧賤交態一何人耐久伴閒中書繁插架儘良友
筆老免冠真秃翁睡起蟬魚沿敗楮吟來蚯蚓發新叢

忘君缺缺吾何敢正賀二邊候燧空

卻比周郎似不聾回頭曲誤妓闈中樽前客豈可無我
詩裏人多非自翁落落既爲喬木世翹翹宜拔錯薪叢
或云尙續樊川叟未要風流掃地空

俗自窮余余不窮無羞俯仰兩閒中叩門聾僕強迎客
索飯嬌兒能叫翁葦縱聽浮身一粟蓬飛未甚鬢雙叢
爾來每爲家人笑煮茗哦詩夢亦空

往古來今無限士何人不在好名中窪樽牛飲笑聲叟
絕筆漁歌奇放翁關內舊詩傳菊掃穰閒新事縛著叢

至將大衍供除埽烹鶴燒琴不是空

衛生道至東坡簡坐驗朝昏視息中解使水男親火女
卽爲木母嫁金翁聖人愛晉文多祕方士支離語漫叢
只壽百年身健死不須白日上凌空

年少諸賢莫笑儂人逾五十日過中白頭持未到君耳
造化豈私令我翁南國香橙難似橘西川慈竹本名叢
世間貴耳多如此魄磊孤懷正要空

僻性知難與俗同舊交新識往還中嫌爲厚貌重關相
愛不機心抱瓮翁鼯鼠躍林窮五技橘奴輸絹止三叢

遙應世母神州說孤姪生涯尙鑿空

時才位地難齊同過猶不及非是中樂人漱石信辯士
爲子移山真拙翁鵬翻溟渤扶搖水鷄捨榆枋樸檉叢
萬物自人惟自我爲君高視九圍空

憂國惟求一歲豐商歌遙夜幾時中長懸謗木古來主
欲獻食芹何處翁虛應蒼麟纔一角瑞時朱草必孤叢
傷心千載懷沙賦日月何嘗不在空

老困撥書非自慵徒令憂喜塞胸中費桃一日殺三士
剖橘何時見四翁單二極縷多能斷幹千章木樨已超叢

子魚未是忘筌者回首遼東半席空

無補明時出處同一毛得失九牛中雲山不是世爭物
田舍正宜吾作翁文或問津牛馬走才難入網鳳麟叢
燈前百萬呼盧擲未問家儲甌石空

駟馬難追言數窮猶龍自守不如中口知余媿三緘士
臂亦難爲九折翁流水必趨恒下地狂風多折最高叢
若人有問安身策拙學區區過此空

未曾齒豁與頭童年少應無日再中四海固多知己士
一門惟失譽兒翁蕭蕭霜葉紛辭樹粒粒燈花細妥叢

暹夜誰家發砧杵月明如缺半橫空

次曹訓導韻

詩筆高冠無此流雄音壯節得前修清明雨過桃花浪
 上巳風連桑落洲江路帆檣容少住鐘山杖履遂奇遊
 獨來乘興關還去千古何人識子猷此詩石刻在今湖
 縣學叙云前翰
林直學士奉政大夫知制誥兼修國史姚燧以青龍辛
 卯春三月四日獨來縣學諸君適無一人知者偶縣教
 訓導曹君餉余詩為和之
 所謂鐘山蓋石鐘山也

挽王敬夫憲僉

素鞵孤兒拜履前令人未問已淒然同官南郡纔三日

隔世東州忽一年夜月誰家虛燕席春風客路負雞綿
 玉碑老子埋銘在潛德何憂世不傳

別駕劉之間邀燧同府倅余叔器田別乘顯卿姬
 府教伯陽以癸巳九日飲郢判席上言懷

去歲君山孤櫂遠如今盡室石城州明年白髮桑榆日
 何地青山萸菊秋客氣已為彊弩末宦情空繞大刀頭
 果成問舍求田策未讓元龍百尺樓

次劉時中反和杜紫微韻贈李若水 并序

至大始元二月舟過高郵有李若水者為屋數

牛脚集 卷四
百楹以祠東嶽自號睡著余竊笑之豈是舉羸
皆夢中爲耶因其求詩取水驛壁間士子劉時
中反和杜紫微齊山登高韻以贈其人幼年自
閩云
何事仙人亦毳衣蒙茸如菴曜朱暉潔身自說年華盛
醉面誰傳夜氣歸能爾用師三晝返不知去俗幾塵微
睡嬰外務何曾著常恐金烏出海飛

次時中留別反和杜紫微韻

身世支離似敗衣有戈誰卻魯陽暉不知次日公車召
又俟何時野服歸花信正愁風駘蕩麥苗還喜雨霏微
分攜江上休回首恐見檣烏作背飛

次時中參錯和前韻留別且勉其進德無怠一首

啼鶻休訴不如歸我亦從來賦式微竹塢且宜鳩杖立
柴門不謂鶴書飛舟行遠後忘經驛酒禁嚴來往典衣
爲問石城鷗與鷺幾時相對弄晴暉
多君問道粗知歸雲霧何人識少微爾後驂驢終獨步
自前鷺鳥不羣飛淮南數日將寒食客裏三春尙臘衣
安得鑾坡同給札不妨苜蓿對朝暉

次劉時中和唐杜牧之齊山詩韻

有足斯奔有翼飛靜常觀物入希微名慚窺管文章竊
迹喜收身劍履歸影與金樽邀夜月夢無玉斧照晨暉
白頭坐取移文誚又爲前生一倒衣

次韻時中再和簡呂正字登淮安城樓

久知戎服笑儒衣終尙晴窗惜寸暉上馬人扶甘伏老
攜家旅食亦安歸嗟君無事乘清興尙友新詩和紫微
相勉殷勤養鱗翼會能川泳與雲飛

喜雪鄙句奉子英提學

天上雲紋漾水波人間山色映兜羅東風盡日楊花落
南畝今年楚澤多稼穡生成知帝力昇平消息聽民歌
漢家始建營田計未厭牙籤沒馬過

七言絕句

賞花吟十首

常歲花開必禁煙今年開在禁煙前坐令姚魏皆牛後
但媚殘春穀雨天
嘗並牡丹爲妬婦一枝惟許一花開從今記取花前飲
莫遣猶持媵爵來

陰翕陽施草木知牡丹烘日已離披
明晨浥露還收合恰比芳苞欲吐時

少年騎馬縱春游紫禁名園訪欲周
今日病中扶杖看白頭先已爲花羞

出門京國事無涯虛擲東風五物華
卻謝病歸催不起故園今見碧桃花

手栽修竹直檀欒十畝清陰六月寒
西掖歸來但篁籜被人皆斫上林竿

醉醺寶相海金沙條蔓盈籬四面花
莫道詩人例窮苦

繡屏圍坐是誰家

大蓋清油一丈陰未須持入海棠林
好乘麗日光風看猶勝銀缸照夜深

佛桑豔豔欲燒空猶愧山茶鶴頂紅
更是並他凡卉異謝時連蒂綴東風

東風試手送韶華落盡梅花落杏花
畱得西園桃李在尙能十日媚山家

張總管清富軒

米船明月白虹光未半王詵寶繪堂
今日又添清富出

必齋集 卷三
兩家遺物滿筐箱

許道甯幽人曳杖圖

噴壑飛流雷怒鳴切雲老幹凜將傾深山窟宅皆豺虎
說與幽人莫獨行

題米元暉楚岫蒸雲圖

得法君家海嶽翁青林翠岫白雲中夜窗不是瀟湘雨
定有當時月貫虹

別耳

曲音小誤已回頭得此人生莫過求堪笑殷君太聰聽

卻妨聞蟻鬪如牛

節婦蒙氏卷二首

死別哀思盡有期最無窮已是生離如今筐篋同州吏
誰肯分攜襁負兒

今年西北靜氛埃前日跳梁款附來早晚看王罷邊戍
良人應逐踐更迴

能爲聖代立綱常何獨雷門爛有光太史諸人爭淬筆
流芳直與漆沮長

張仲牧牛圖

牧庵集

卷三

十一

牛力農家惜百金畫師真得老農心釋耕不忍還騎去
乍可牽牛步遠林

王氏祖塋詩卷

讀渠滎澤墓田詩太息師垣尙未碑從此南歸得終願
衛人應有賦蟬綏

題孫大方真人秋聲軒五首

牕竹蕭蕭夜撼風秋聲何處不相同卻休八表神遊客
認作匡山紫極宮

醉翁詩法似長庚序集東坡有此評不和蕭蕭動牕竹

卻從庭樹賦秋聲

畫竹今推兩李魁魚牋鵝絹訴爲災試披風葉霜枝看
似覺秋聲入耳來

晉賢長歎只孫登君是苗遺必也能肯聽秋聲成一笑
攬衣燒酒對宵興

心許神交羽服流讀書惟此一天游幾時卻向秋聲夜
醉卧朝元百尺樓

黃華墨竹

湖州再變到黃華兩竹離披自一家萬斛顛風掣旗腳

軍民吹屈最高牙

樂山卷

老思吟詠恐傷神多少求題委案塵展卷樂山殊喜作
自緣身是愛山人

巫山圖

神女行雲安在哉當年魂夢費蘭臺絕癡更有杜陵叟
尙想空山幽佩哀

題步隲奉瓜圖二首

從來道屈不伸身特傳吾嘗笑史臣簞食豆羹情最見

征羌還卻善觀人

世有滄于定例冠祝田求狹責奢難若從今日論瓜直
未必償渠飯一盤

題曾子耘瓜圖

誤斷瓜根罪甚微未消狂哲奮餘威鳴琴不怨參真孝
尙學風雩鼓瑟希

書琴工萬古音卷後

聞道爲琴獨苦心新琴能發古時音百年卻視今爲昔
不說雷琴說萬琴

寄耕鋤隱者倪元鎮

谷口青松夾徑生，鶴巢松頂雪初晴。此時知有經鋤者，獨抱長鑿嶺上行。

檢校傅伯賢求挽其父憲使五首

憲節崎嶇瘴嶺持，歸與多少引舟旗。東甌除卻令尹祝，別道誰家有立祠。
公雖歸葬汶陽莊，畱得閩中像在堂。好記儂言看他日，遺苗終有視爲鄉。

鳩舌將何歲奉嘗，荔丹橘粲與蕉黃。蓬萊日落天風急，

營魄時應一望洋

累帙百篇先在吟，鏗然一字敵南金。向人求請尤無已，足見終天孝子心。
知生知死弔傷俱，紀德於詩事不誣。我僅知生不知死，弔章魚目混驪珠。

三老圖三首

宋人金季反兵時，徒遣荊州往乞師。撫劍歸來天步艱，無因死病怨良醫。

從卧封龍十頃雲，閔中肆外溢爲文。若非用事多排比，

黨蔡諸公不足羣

勃綏姑婦入龍庭得意攜毫雪
侑亭向使遣文盡收此
後生尊作吐辭經

陳雲心題

君近昌江山已深更依天岳最高岑
月明深夜援琴鼓
惟有白雲知汝心

挽雲南參政張顯卿四首

其祠在碧雞山

誰昔新知紫鳳山正當持節日南還
曾談不足能專對
不得深輸九虎關

萬里橋西遠寄詩但知相見可重期
如今緡閱傷垂老
卻是幽冥永訣辭

自非威信結夷蠻祠廟誰修爨焚間
從此旃裘具牲酒
不來徼福碧雞山

人臣用世孰無能由子非才不見稱
觀此移忠與純孝
是家台席有重登

趙信庵墨梅

廣平援筆賦梅時鐵石心腸吐媚辭
千載信庵湔此恨
卻將鐵石作梅枝

楊補之墨梅

枯枿殘枝三數花似臨清淺照橫斜
草元善學營邱筆
水木齊行自一家

題剡溪回舟圖

戴逵失策遣人哀禮也元無往不來
明日相過莫相見
扁舟卻與到門迴

牧庵集卷三十五

元

姚

燧

撰

詩餘

浣溪沙

舟中紀事

白髮年來自笑余孔方從有絕交書
誰憐多病麴生疏
兩岸行人爭抵掌誰家舟上載籃輿
江南休問看山無

菩薩蠻

皇慶癸丑春賞花詞

兩間日月同悠久算來無比東君壽一歲一歸來光風
吹九垓花枝依舊好只自傷垂老七十六年人見花
能幾春

中秋雨

素娥曾把詩人調衰顏不直圓蟾照特地變雲陰江城
三日霖今宵佳節過天上冰輪破纔卻放餘輝要看
清興遠

清平樂

失題二首

水仙裝束風致清逾淑春竟枝頭添萼綠要與梅花仲
叔生紅從此羞顏甘同桃李漫山不是冥鴻過盡情
教銜子荆蠻

菲菲香雪更照溶溶月管被司花嫌太潔故遣啼鶻濺
血方舒笑臉迎丹雨聲深院珊珊有底春愁未訴向
人紅淚闌干

聞鴈

春方北度又送秋南去萬里長空風雨路誰汝冥鴻知

牛月集
卷三
處 朝朝舊所窺魚由渠水宿林居爲問江湖苦樂汝
於白鷺何如

大德改元之明年辰在戊戌春三月十有一日
宣慰麓堂邀飲怪坐客無吾肖齋或云逃生朝
矣卽席賦清平樂以壽之

南陽昔歲此日懸弧記不料長沙今款避紅袖青軒負
醉 橫欄直楯西東飄殘萬紫千紅不是酴醾噴雪爭
些閒殺春風

浪淘沙

爲柴氏題

河水發崑崙浩浩泉源餘波九里潤猶存若問是家誰
胄出顯德諸孫 今日在清門玉季金昆能時夏清與
冬溫直得鑿坡袞一字華袞休論

競渡

楚俗至今朝服艾盈腰喧江鏡鼓節蘭橈士女踏歌巫
覩舞魚腹魂招 去古旣云遙讒毀言消修名立與日
昭昭免向重華敷衽跪來直皋陶

余年七十洪山僧相過言別公十餘年面頰紅

潤益加於昔有道然即因爲一莞賦此曉之
七十鬢雙蓬已分衰翁煩君休譽面如童只此正爲吾
老驗物理會窮 天地一微躬草木還同桃花初也笑
春風及到離披將謝日顏色逾紅

大德丙午端月十四日立春巧連燈夕求西野

澹齋月澗同賦

春燕玉釵騰又試初燈天公節序巧相仍纖手青絲盤
出看寶焰層層 鞭絕土牛繩已送嚴凝牙旗鐵馬響
春冰六十九年余治學老病宵興

送貢應奉仲章歸覲宣城

明月萬家砧蟋蟀哀音何人不起故園心一語更難留
斷袖說觀雲林 回首玉堂深誰綽綽音都門無酒與
君斟只賦祈招當贈別如玉如金

贈重陽奴

初度菊花秋霜水痕收可知不肯離荊州元就龍山風
力軟破帽颼颼 今夕定開舟漲水磯頭淵明解印去
來休夢繞橘齋新草閣檀板輕謳

鷓鴣天

遐觀堂暮飲

誰道夔龍不致君，白頭離亂不曾聞。
三秦碧樹生春色，千里青山入暮雲。
何事業，底功勳，百年五十已中分。
從今萬八千場醉，莫酌劉伶荷鍤墳。

虞美人

牧庵卽事爲李元素作

竹風吹落疏疏雨，紈扇收殘暑。
小軒蔕地細香來，莫是鄰家早有木犀開。
玉環穿耳誰家女，自獻歌金縷。
新聲和徹紫檀槽，袖出烏絲纔說要揮毫。

玉梳贈內子

相輝瑜珥瑤釵，鳳寶翼蜻蜒。
動新妝，又得水蒼梳。人道秋風何物不瓊瑤。
人無玉質容，何害玉德斯堪愛。尙慚猶未十分全聽取，明年環佩夏珍然。

減字木蘭花

劉子善得常德壽梅圖，持歸鎮江壽其父梅軒。
壽梅紙本傳常武遠壽梅軒歸北固，愛梅無有似君貧。
東極吳中西盡楚，黃昏深淺孤山路，能對春風旬日許。
不如滿歲畫中看，冷蘂疏枝常照戶。

南鄉子

遊洪山寺

夏月大洪山楓葉青青柏葉殷一樹桃花修竹裏天慳
連見春風一歲閒爭挽插雲鬟日暮金鞍未擬還偏
與歌姝相映照朱顏應笑詩人兩鬢斑

次馮雪崖韻二首

荆憲品皆加纔罷還除世共華恨殺峴山山下路梅花
誰醉雙瓶玉照沙涂水聽宣麻行腳陽春起未涯君
去莫嗟風土異堪誇君祖鄉鄰我祖家

日覺鬢霜加欲對清罇戀物華離別紛紛長眩眼生花
易散難搏掌上沙蓬意不依麻未必移居漢水涯前
日曾於遺集序張誇素範清風有幾家

小重山

蕙女歸寧還襄陽

江渚蒹葭白露晞雲間渾未有蚤鴻飛人情難在別庭
闈攜諸幼孤艇溯流歸七十古來稀乃翁筋力尙未
衰微峴山不是遠相違猶能往清淚莫沾衣

風雨折枝詞

早是清明應候風勢如滄海浪怒號空更兼潑火雨冥
濛如何得枝上有殘紅 最惜牡丹叢曉來吹盡折教
兒童且爲支柱曲欄中還堪否畱客一樽同

定風波

南州以菌生竹間爲蕈并樹雞瘦薄而赭雖日
乾猶可煮茹此筆竹絲爲之蕈蓋得竹餘氣而
生然以世多未見故祥之余以理推如此唐古
憲僉筆生菌繪爲圖因有是作

五馬雙旌出部堂歸來椽筆對凝香只爲好書天作章

相戲故生三秀在毫鏃 不是畫師生手觸拳曲層雲
連葉幾何長我有一占君試記何事已開他日判花祥

題軸軒左右埋二石檻植荷其中

族汲清泉石斛方便疑身已置江鄉八九吞胸雲夢小
應笑白頭兒戲未曾忘 荷葉且看張翠蓋此外芙蓉
誰望集朱裳還有不如人意處遮去碧天明月照泱泱

洞仙歌

石山

伊誰斧鑿此玲瓏巖岫至巧先天化工手又不知何地

夜壑深藏今畱待白髮詩人攜走 向宣和廢苑睥睨
高株欲轉愁回萬牛首期出處與君偕立則參前卷密
可懷之襟袖尙未敢云能此私從怕雷雨冥冥六丁來
取

對梅

疏枝冷蘂臘前時初破年後纔多玉妃墮問梅軒白髮
寂對空株期三百六十誰同幽坐 孔方兄善幻半幅
溪藤貌出緇塵素衣沈當盛暑展圖看遽失炎蒸甚欲
摘傾筐三箇又卻被傍人勸休休怕他日鹽羹鳳毛無

和

江梅引

謝王子勉提刑送江梅二首

西湖不近上林隈問江梅定誰栽莫是冥鴻銜子遠飛
來紫陌遊人多不識但驚看青天霽一樹開 獨有使
君憐寂寞爲持盃能幾回玉纖橫管東風外落日樓臺
不恨明朝飛雪滿蒼苔恨殺南溪調鼎手恐遲暮到而
今霜鬢催

年年江上見寒梅幾枝開暗香來疑是月宮僊子下瑤

臺冷豔一枝折入手斷魂遠相思切寄與誰 怨極恨
極嗅玉蕊念此情家萬里暮霞散綺楚天外幾片輕飛
爲我多愁特地點征衣我已飄零君又老正心碎那堪
聞塞管吹

牧庵集卷三十六

元

姚

燧

撰

詩餘

玉漏遲

與暢純父學士同舟過鹿門山

遡丹青未了森然玉立相迎雲表勞苦詩人鄭重鹿門
清曉耆舊猶今好在算竊比山靈年少青蓋照宜余翠
葆蕭蕭華皎 渺渺漢水滄波問流盡人間幾多悲嘯
對羊公片石一尊相弔喚起長庚小妾試看坐金鞍歌

牧庵集

卷三十六

一

笑飛蚋小澹澹長空孤鳥

滿江紅

廉野雲左揆求賦南園

原注慶雲都城善謳者

面勢林塘緊橫睫觚稜如削還更比城南韋杜去天盈
握便有名園能甲乙他山崱嶮先尊岳甚一花一石總
都將平泉學 雖鬢髮流光覺渾未厭朋來數有慶雲
善譜新聲天樂正爾關弓鴻鵠至可知棄屣麒麟閣只
北山逋客負塵纓滄浪濯

送李景山使交趾

六詔江山十年厭拏舟還轍但只有日南遐域未嘗持
節八月秋風來朔漠燕然已沒鞍韉雪料此時銅柱瘴
雲收無炎熱 御尺一行宜決煩重爲雕題說道皇元
威德萬方臣妾直以越裳聲教阻于金裝匭渠誰屑要
降王明日共輜軒來金闕

送張子正廣西宣慰司都事

瘴海盲風更誰避樓船檣折長記得鐃歌歸路獲嘉時
節日夜丹青麟閣夢論功纔補朱衣缺問世間求寵有
門無終迷轍 爲此錯平生鐵踰嶺嶠皆炎熱獨梅花

萬里桂林冰雪躍馬十年銷髀肉遠遊一債償難徹笑
悠悠造物戲人哉冠纓絕

滿庭芳

寄趙宣慰平遠

有北先寒來時鴻雁記經何地初霜問渠鵝鷓何苦上
顏行浩蕩烟波萬頃怕誰去爭許三湘聊容與誰求繫
帛傳語寄炎荒 丹山如鳳鳥相逢定是問我行藏說
於今華髮爲汝增傷晚笑巢阿覽德莫貪快干仞翱翔
和鳴擬從吹嶰管終不似朝陽

水調歌頭

幽居

開軒對朝爽吾亦愛吾廬君亭有笏堪拄人道富於余
尙恐軒裳念在前日朱門故態消釋未全除反覆看如
此儂豈遽慚渠 最同是烟滅竈釜生魚年年客裏相
值佳興負當初縱使軒亭無恙亦取山靈抵掌猿鶴怨
移書樽酒酌江月何日賦歸歟

買田天生門外

買地近隍壑十頃展平瀾相如漫說雲夢八九可曾蟠

已具扁舟放鶴又且觀魚知樂何忍利投竿卻恐避地
下鷗鷺忽盟寒 屋茨茅蹊種竹畹滋蘭天生此所宜
著素髮颯垂冠手苦彎弓難合惟有招麾毛穎筋力尙
桓桓攜我二三子日往將詩壇

送徐大山

崇仁送行役回首十周星因今常武丞去衣繡記曾經
西北桃源山峻東北洞庭春盡浩浩際滄溟鄂渚玉薪
米連月雨冥冥 天氣佳殊未暮莫揚舲便令縮印遲
上誰奪老槐廳一語嗟卑烏用覽鏡還宜自重如此鬢

毛青軒冕暮塗看馭日與鞭霆

岳陽寄定菴王萬戶

茲遊太奇絕我亦壯君侯春風殷地悲歎笳鼓萬貔貅
平昔心曾吞著八九江南雲夢今上岳陽樓尊酒浣塵
土山雨戰青油 竟陵客又挾病入西州惟余與汝湍
水東決則東流遙想凝香畫戟談笑兜鍪書息莫賦大
刀頭麟閣看他日居右有人不

守歲

六十一年似窗隙白駒馳人家守歲癡計明日怕容辭

萬事纔堪一笑何必朱顏年少誰不侮吾衰只看屠酥
酒先酌襜中兒無以為閒曠括謫仙詩人生日日渾
醉百歲以為期三萬六千場耳一日盃傾三百巧歷算
能推試問自今去餘有幾何厄

燭影搖紅

新齋肅政李元讓座間任氏婦歌海棠開後之
語非專為海棠設故別賦二首錄呈太初宣相
時中

天寶三郎愛環睡起紅妝懶背渠素手洗朱鉛吹裂窗

玉管羯鼓嵬坡塵散記紅冰涇涇淚斷際天長恨蜀棧
青螺錦江難浣千古驚魂泛蘭轉蕙光風暖嫣然一
笑尚傾城桃李空繁滿銀燭春宵苦短願青軒流光緩
緩借諸任袖回施新齋捧

案原闕
三字

嫋嫋東風碧湘左畔羣山圍海棠無語不成蹊桃李羞
牛後生臉朱唇暈酒問坡仙肝腸錦繡未容花睡銀燭
高燒如何晴晝十事之中不隨人意長居九結貽顛
顛笑靈均蘭茝盈襟袖今代巫陽恐有劍南呼樵人畫
手向青軒底貌取妖妍為司花壽

木蘭花慢

清明上巳同日亦吾生少遇賦樂府奉呈判縣

伯陽志友兼寄高侍讀

暢光風嫋嫋轉幽蕙泛崇蘭最上巳清明相期一日百
歲逢難鞦韆自兒女事快鄰翁覆手羽觴乾莫道韶華
一月從今已屬春殘 故人回首隔長安輪直下金鑾
對賜火新煙應思被袂何地江干依然齒牙牢在並年
時花似霧中看獨賴中書未老言時髮尙衝冠

石州慢

失題

高與雙崖馮雪魏青三子皆人傑當年慣見中宵天外
德星難拆華觴離俎清辭細切琅玕定應袖有鋸鋸鐵
而我獨離羣卧南陽甘節 書絕故人石影新翻欲譜
調疏聲拙誰遣巫陽喚起滕王長別珠簾畫棟縈飛南
浦朝雲當時此句雖清切何似倚危欄滿西山晴雪

賀新郎

失題

杜宇爲謀拙只當時西州已報鼃靈功烈何事爲心輕

傳禪坐取名隳身滅化怨鳥春山啼血試聽不如歸去
語怕君遠未曉吾能說冤憤在失金闕 胡爲不即天
闔裂枉人間丁寧控訴欲求誰雪蜀道思歸誠何有便
隔雲山千疊一再舉猶堪橫絕苦趣東君行不早到千
紅萬紫飛時節呼謝豹慎捫舌

摸魚子

賦玉簪錄呈趙太初兼與時中茂異

更休尋玉山瑤草蓬萊知在何處司花嫌被春風妬留
待九秋清露還解語試問看當時月夜乘鸞女何年遺

液甚不怕高寒青冥萬里鬢鬢亂風霧 人間世無物
有香如許靈均遺恨千古芙蓉杜若何堪佩顛顛行吟
沉浦空自苦誚教得揚雄不信離騷賦雲窗月戶恨白
髮詩翁年來多病不識醉鄉路

蘭陵王

昨日奉候知玉體已不恙軒從可北矣其戒行
何時作蘭陵王曲問之上雪崖使君

雪崖雪玉壘浮雲變滅蓬婆外晴白界天西嶺窗涵古
今絕秦山置下列類媵姬姜娣姪望太白三百去天六

月人猶失炎熱 緇塵苦爲涅問誰可配茲干仞高潔
惟君雅號相優劣有北正寒冽傳將移節及門再命益
罄折未聞賜環玦 我拙誤名竊甚此日徵書亦到巖
穴何人輓轡同車轍華首最相悅忍爲輕別定成行不
乞爲汝負羈綬

綠頭鴨

贈辛尙書家琵琶妾何氏

錦堂深獸爐香噴沈烟紫檀槽金泥花面美人斜抱當
筵輕羅綬素肌瑩玉近鸞翅雲鬢梳蟬玉筍輕拋魚叉

細撥鳳凰飛上四條絃碎牙板煩襟消盡秋風滿庭軒
今宵月依稀向人欲鬪嬋娟 變新聲能翻舊曲眼前
風物淒然路漫漫漢妃出塞夜悄悄商婦移船上愁
思江邊怨感分明都向曲中傳困無力勸人金盞須要
倒垂蓮拚沈醉紅塵倘恍一夢遊仙

六州歌頭

賦木蓮花

靈均不信木未搴芙蓉徒自潔好奇服芰荷縫看心曾
霽月光風似愛蓮叟云難狎應亦未觀林下澹丰容坐

牛月集 卷三
八
蔭高花十丈身疑在玉井三峰甚東皇遣與桃李鬪春
濃男色昌宗失昌丰 訪平泉記奇草木惟赤柏與金
松岷嶺導江浩浩發臨邛進吳儂萬里江南北行欲遍
未曾逢 堪悵恨風與雨苦相攻怕學瓊花不墜潛飛
去地上無蹤奈明朝酒醒空對夕陽春流水溶溶

牧庵集附錄

年譜

案先生撰其世父魯國文獻公神道碑敘姚氏神明
之後歷三代秦漢魏晉宋齊傳次或絕或續與梁陳
隋唐可譜究者別載世錄惟本梁唐六鎮節度使勅
勅生金吾將軍漢英漢英周廣順初太祖遣之使遼
見畱事世景聖三宗加安時制節宏化翊亮功臣開
府儀同三司樞密使檢校太師兼政事令上柱國東
陽郡公生中書門下平章事北面宣徽使衡之衡之

生給事中同中書門下平章事居政居政生太師左
金吾衛上將軍虔州節度使景祥景祥生太子洗馬
去華去華生金東上閣門使金州團練使玠玠生閣
門祇候武德將軍佺佺生武德將軍獲嘉令錡錡生
安遠大將軍慶陽安化丞淵後要名仲宏生嘉猷程
世舊學功臣太師開府儀同三司魯國公諡文獻樞
及弟楨格樞生今行河南省左丞煒楨生故江東憲
僉燉格生先生諱燧集賢大學士榮祿大夫翰林學
士承旨知制誥同修國史諡曰文其先柳城人今興

中府卽古營州慕容皝所都也其族大以蕃先生送
馮雪崖序亦云九世祖東陽郡公有孫嘗王柳城今
其地有姚山館姚家陀猶以吾姓之墳墓咸在焉
然其後皆不讀書舉爲鮮卑人矣

太宗英文皇帝十年戊戌當宋嘉熙二年

先生生

十二年庚子

先生三歲案先生爲馮松菴挽詩序云松菴歿以庚
子七月我先人之棄其孤亦以是年文獻公碑云燧

生三歲而孤公卯翼之不知其蒙闇教督而急其成
俾粗有聞承乏翰林復世公官爲承旨也

定宗簡平皇帝五年庚戌當宋淳祐九年

先生十三歲是年始見魯齋先生案先生與許德卿
書云燧生十三年拜先履絢於蘇門

憲宗恆肅皇帝五年乙卯當宋寶祐三年

先生十八歲始受學於魯齋先生案與許德卿書曰
十八年謬齒弟子之列於長安時立下席自是至其
奠楹實二十有九年

世祖聖德神功文武皇帝中統元年庚申當宋景定元
年

先生二十三歲

中統二年辛酉

先生二十四歲送暢純父序云余冠首時未嘗學文
視輩流所作惟見其不如古人雖不敢非諸口而未
嘗不輕之於心年二十四始取韓文讀之走筆試爲
或謂有作者風就正於先師先師亦賞其辭蓋是年
方學爲文三辰儀銘等當作於其時

案此譜多以所
作之文系于每

年之下亦有約略附之者
集雖不全其目多見於此

至元元年甲子當宋咸淳元年

先生二十七歲案文獻公碑云至元始元詔罷世侯
以左丞行省河東是歲今河南省左丞文獻公子燿
生

至元三年丙寅

先生二十九歲有送宰伯魯遊秦序

至元四年丁卯

先生三十歲案文獻公碑至元四年拜中書左丞至

元之元出省臣三罷世侯置牧守遷轉河東山西河
南山東官吏公行省河東山西明年而歸又云五年
用兵襄陽立河南行省公僉省事八年入覲十年拜
昭文館大學士詳定禮儀使參政焦公碑云至元之
初少師以中書左丞行省河東還以昭文館大學士
休政京師賓客之送迎皆燧將命而識公與文獻碑
不合先君日記云中統二年奉旨令右丞相公於平
陽太原行中書省平陽太原河東山西也是中統至
元皆嘗行省其地右丞則前書記張公也本姓魯父

名聚社日生小字社住太原臨州臨泉縣使君莊人
父爲人所殺其母負公行丐於市至郝太守家有張
孔目者無子攜去養以爲子因冒張姓長祝髮爲僧
及遇知世祖皇帝得所攀附云

至元五年戊辰

先生三十一歲其年用兵襄陽闢省河南文獻僉省
事是年建御史臺

至元六年己巳

先生三十二歲是年置諸道提刑按察司事見山南

廉司題名記

至元七年庚午

先生三十二歲勸農白公碑云魯齋先生避左揆以
集賢館大學士祭酒國學教貴胄乃奏召舊弟子散
居四方者王梓自沐韓思永蘇郁自大名耶律有尙
自東平孫安高凝與燧燉自河內劉季偉呂端善劉
安中自秦獨公自太原十二人驛致館下蓋同是年
也

至元八年辛未

先生三十四歲是年文獻公入觀碑云八年入觀者

至元十年癸酉

先生三十六歲是年文獻公拜昭文館大學士詳定禮儀使

至元十二年乙亥

先生三十八歲始爲秦邸文學未幾授奉議大夫兼提舉陝西四川中興等路學校張詹丞碑云當十有一年太師奉朝請京師燧秦邸文學俾從之西凡偕以三使蜀及轉陝西憲副引爲掾屬

至元十三年丙子是年宋亡

先生三十九歲文獻公碑云十年拜昭文館大學士先生有壽公水調詞云相公奉朝請京輦已三年當是此年寄賀者九頂山題名云天子嗣位之十五年大參公相秦藩明冬以王教安輯庸蜀又明年以漢嘉新下入諭其民休旬佳日公因訪李冰遺烈登山東九頂之上書公及同遊者姓名三月二十四日其歲丙子其年至元之十有三年王府文學姚燧記則先生與大參公同在嘉州豈使蜀之一耶是年又奉

教招王立合州使蜀之二也其年南宋平所謂大參
蓋商公左山也嗣位之十五年以中統初元考之亦
不合

至元十五年戊寅

先生四十一歲黎施州序云十五年奉先王教安集
夔府新下之民始與黎侯相識其三使蜀者亦其一
歟王希真祠堂銘云族姪璉自汴至長安求銘無歲
月可考亦當在此年也是歲秋七月二十三日文獻
公薨壽七十有八

至元十六年己卯

先生四十二歲有何敬夫醉經堂記是年始娶紫陽
先生中女楊氏

至元十七年庚辰

先生四十三歲爲陝西漢中道提刑按察司副使夫
人楊氏生楊氏婦而卒

至元十八年辛巳

先生四十四歲爲秦憲副是年娶今夫人趙氏年二
十有四見其外舅和父墓誌有送雷季正見魯齋序

至元十九年壬午

先生四十五歲居秦有劉天麟爲其父求撰神道碑
兵馬總管袁公碑云十八年燧以陝西憲副錄囚延
安明年子克良持書謁銘蓋此年也其年五月二日
薨女生長適楊萬戶孝基

至元二十年癸未

先生四十六歲爲山南湖北道提刑按察司副使案
澧州廟學記云二十年燧副使是道明年按部至焉
大德乙亥爲記時在武昌末云書于鄂之南陽書院

之楚梓堂是歲魯齋先生卒與許德卿書云立下席
二十九年蓋憲宗五年乙卯至是爲二十九年也
至元二十一年甲申

先生四十七歲爲湖北憲副按部澧州有寄家人書
日南柯子七月初二日夫人生朝又有別枉渚德公
詩云孤姪貳荆憲又曰枉渚訪先友德公嘗與文獻
公交處枉渚在常德江南岸與招屈亭相望亭相傳
以爲昔楚人招屈原於此故名近歲仕宦于彼者懲
司憲者迫人屈招惡其名爲招屈遂去其扁枉渚見

楚辭是年九月二十日長子堯生

至元二十二年乙酉

先生四十八歲爲荆憲副有別丁編修序

至元二十三年丙戌

先生四十九歲松菴挽詩序云二十有三年夏以湖北憲副奉檄趨京謂爲直學士也以疾留襄陽會河南憲僉馮君帖求爲其先序并馮氏三世遺文序臨湘縣廳壁記又婆羅門序云余由荆憲奉檄趨京病留襄陽馮僉憲由汴梁至梁宣慰貢父張總管夢卿

皆由長沙至三君飲餞漢賓壽卿賦此聲南陽道中依韻和寄之跋張總管父都漕公手澤云至元丙戌姚燧觀都漕濟江調兵記自題肖齋清富軒先伯父三帖黃門飛鞞圖許道甯幽人曳杖圖元暉山水圖雙鶉圖補之梅黃華竹時苗畱犢江激魚舟等皆作於是年肖齋家物也先生與之交處最稔其人多讀書工於詩喜蓄書畫襟懷灑落無塵俗氣居潭之西城引流種樹甚有清致武弁中好事者世不一二數卽所謂張總管夢卿者也是年又有臨湘縣廳壁記

至元二十四年丁亥

先生五十歲時爲翰林直學士有送暢純父序太醫
鄭公碑寄盧處道詩張天表遐觀堂記雷君損之歸
來園記送余春谷序參政胡公碑云二十三年始相
其年十月五日薨明年五月諸子自江南歸葬八月
吉有日子瓚從其諸父按察使讓來請銘亦必是年
也

至元二十五年戊子

先生五十一歲歸自燕居于鄧有朋簪堂記牡丹序

遐觀臺序云二十五年罷直玉堂與張肖齋史仲威
宋齊彥梁貢父王景韓等遊處並見集中有右三部
馮郎中碑肖齋赫曦亭記覆瓿藁詩招貢父探梅及
次探梅韻書米元暉山水末云肖齋以至元戊子夏
五月購得之姚燧爲識末幅蓋皆是年作

至元二十六年己丑

先生五十二歲居鄧有除日試臨安竹絲筆金星欵
硯書事答肖齋餽歲及海岳堂記閻醫隱銘李文紀
碑送馮壽卿副憲遼西序金將仕秦君志銘楊彥亨

遐觀臺唱和詩序

至元二十七年庚寅

先生五十三歲授大司農丞樛菴集序云後君沒之十九年至元庚寅子京出其譜而見其然且求敘是年先生自漢浮江東遊會稽過江州見濂溪書院記後四年再過記方刻石泮梁學記亦庚寅夏四月夏爲直學士豈農丞之後耶

至元二十八年辛卯

先生五十四歲按察司其年改廉訪司盜臣僧格約

蘇穆爾伏誅有湖口縣學次曹訓導韻自跋云青龍辛卯三月四日獨步縣學無人訓導曹君餉予詩爲和之署銜爲前直學士刻石縣學

至元二十九年壬辰

先生五十五歲挈家寓武昌有送徐大山序題王西溪珍翰跋語第二子圻生於武昌劉彥清序亦當在是年

至元三十年癸巳

先生五十六歲是歲始自鄧居郢木蘭花云再年逾

耳順來七稔石城居癸巳至己亥七年也

至元三十一年甲午

先生五十七歲遊江西龍興有滕王閣記宣慰王公
碑招撫使王公碑云王彥弼總管南康過燧舟中求
其先人墓銘并問宏求銘其考瀏陽尉亦當在是年
歸至鄂中書遣直省舍人札哈勒台以朝請大夫翰
林學士召與高道凝同赴別鄰詩序云青龍甲午十
二月十一日赴召劉武敏公碑云三十一年知鄧州
劉克仁來言曰亦疑是年也

元貞元年乙未

先生五十八歲與道凝同修世皇實錄有長春宮碑

崇陽學記董氏棣華堂記

元貞二年丙申

先生五十九歲因改葬少師于輝襄事歸郢勸農白
公碑云夫人賈以苟宗道理辭求銘墳道數年不能
敘其事去冬以史事入翰林過輝夫人祈姨母為言
是必葬少師之時也又有壽詞春從天上來先生元
貞之元在翰林明年改葬少師而出此詞有蠻荆之

語當是三年未改大德之春作者

大德元年丁酉

先生六十歲有毛氏壽萱堂記曹州學記龐禮部母夫人序云元貞始元同官翰林前年訪以史事去年迫南歸今閒退於郢故書致三千里之賀時先生居郢故云判官劉君誌銘云至元乙酉七月七日卒後十二年丙銘其墓均州萬戶翟公碑亦是年也幼女楚楚生

大德二年戊戌

先生六十一歲江陵廟學記云至元乙亥江陵下之四年廟學火至今大德之戊戌凡二十四年又云嘗貳憲于此再入夔坡求記當是其年作是歲安陸府學記云大德戊戌分司撤毀殿別構冬十一月歸末云嘉平中休日記是年挈家遊長沙麓堂宣慰和尚館公於爰齋堂堂名公所命也未幾疏齋盧公處道由集賢學士出祝海岳過長沙同館斯堂盧以堂名未盡厥美因共更爲世臣先生大書之予以爲世三十一也改作世亦三十一竟爲麓堂公享年之讖云

又有贈疏齋三絕句及與憲使陳時舉畱別詩并其
母夫人李君神道銘致先懷集府君墓銘爰裔堂牡
丹長句羣山園宴集燭影搖紅李新齋憲副趙子昂
畫夫子小影贊靜壽堂記趙監倉銘壽肖齋清平樂
又守歲水調歌頭云六十一年似窗隙白駒馳等作
致以是年始拜先生於潭舉致湖南憲府吏云

大德三年己亥

先生六十二歲寓武昌居南陽書院之楚梓堂春遊
黃州有贈賈芳春綠頭鴨龐氏先德碑云元貞丙申

翰撰詠手書鉅軸相授曰吾先德也其賜之銘後云
大德己亥趣書乃筆削其書夏五月有送劉仲信燕
南經歷序段立夫建昌府判官序秋八月李茂卿序
九月李德隆序十有一月澧州學記十二月上懷恩
州唐君碑寄疏齋贈平章劉公綠頭鴨故左丞相阿
爾哈雅碑振衣亭記平章劉公創甲第武昌求三堂
名并記於先生先生以清風垂紳益壯名之致時爲
湖南憲府吏疏齋除湘南憲致乘傳請上至武昌與
先生會先生喜分題賦平章劉公三堂先生得清風

牛屋集 附錄
疏齋垂紳致忝益壯焉是歲幼子石城生於郢水蘭
花云再年逾耳順來七稔石城居記白髮添丁云云
其年六十二也

大德四年庚子

先生六十三歲居郢城春猶在武昌有重修虞帝廟
碑南泉慈化寺碑清風堂記馮雪崖二孫名字序送
郭幹卿序輝州三賢堂記

大德五年辛丑

先生六十四歲授中憲大夫江東憲使有南平樓記

甯國修造記都統榮公碑徽州路達嚶嚶齋虎公碑
讀史管見序劉氏六子名說僉密院趙公碑遺安堂
記司徒董公碑云大德辛丑天子念功贈諡中盡左
丞子士珍將銘墳道持遼陽參政王思廉狀遠走江
東而訪燧亦在是年也

大德六年壬寅

先生六十五歲有國統離合表序參政焦公碑總管
高公碑

大德七年癸卯

牧庵集

附錄

七

先生六十六歲案饒州明倫堂記云大德癸卯通議
大夫饒之總管趙侯訓以路政修舉新學餘五十楹
遺直學士黃叟走書求記並案青神陳氏碑云大德
戊戌後五年陳時舉總管建康求撰宋太常青神陳
氏碑蓋是年也又有蒙古光祿表勲碑文撰序紫陽
先生文集序戎大參父九十絕句十首戎時爲奉使
宣撫巡歷江東又金正議大夫王公碑云大德癸卯
以省郎從宣撫江東俾銘其碑又太史楊公碑云二
十一年卒後十年子寅求銘墳道三十一年甲午至

癸卯十年也謝顯卿序云大德辛丑燧使江之東顯
卿副是道先生二十有七月之間禮浹而恭云云是
歲嘉平移節浙西疑爲此年十二月也六月望日有
錄壽細君樂章集爲軸等作

大德八年甲辰

先生六十七歲自宣城移病居太平之潢池鎮有江
東憲迴鴈鵠天二首萬戶邸公喬公征行元帥趙公
等碑是歲拜中奉大夫江西行省參知政事冬十月
至龍興奉安西王教撰延釐寺碑

大德九年乙巳

先生六十八歲居龍興有太平興國宮碑臨江府判官夏君母夫人碑荆湖宣慰司興造記淮安忠武王畫像贊徐子方真贊袁之上佐高氏子字說文選序秋八月望日至西山翠巖寺同行僉憲郝子明檢校閻子濟儒學副提舉祝靜得與致竣事少憩于洪厓丹井石上飲酒樂甚先生賦臨江仙致與靜得有和致又反和之先生亦有答者子濟別賦婆羅門引致又別賦五言古詩皆命致書貽紫清道友王梅叟碑

刻之石又架木物爲梯凳俾致跨水題名丹井崖石之上致云是以章子厚待我也諸公爲之一笑先生持酒相勞九月移疾北歸至吳城山子濟靜得亦來會子濟取吳城山三字與靜得約致分韻賦臨江仙以寫攀戀之意子濟自敘云九月七日舟行送牧庵先生過樵舍至吳城山與靜得賦臨江仙取吳城山三字爲韻畱山字邀時中作去歲迎公樵舍驛今年送別重湖青山知我往來無揆材慚杞梓聞道覬桑榆勝日黃華重九日喜浮五老眉鬚清尊何惜駐櫂

牛馬集
烏分風行咫尺千里異荆吳右子濟一代文章千載
事區區外物虛名了知此老去留輕銜舟攜二客襍
被送兼程渺渺望湖樓下水連朝無此秋晴新霜紅
葉錦爲城重陽誰共醉五老定相迎右靜得先生致
所賦見自藁明日程公雪樓以學士赴召亦至相與
留連南康累日雪樓北上先生解舟至江州會馬漕
副克復相留迎醫病間遊廬山留與國宮提點湯公
爲建牧菴亭且立先所撰採訪真君碑又爲撰新莊
記漕司暖翠亭記舊德堂記云大德乙巳某歸自西

江相遭德隆于鄂求名斯堂等作皆於是年也

大德十年丙午

先生六十九歲客武昌郭安道爲僉憲許澹齋儒學
提舉有贈二公浪淘沙又有與安道論書序達嚙噶
齊裴公碑案荆湖北道興造記云經始於大德乙巳
之十月壬午以丙午春三月之癸酉訖功夏五月遣
掾屬趙茂陵告成亦是年作五月十一日閻子濟卒

大德十一年丁未

先生七十歲有夏府判母張氏碑布色兵馬碑平章

游公碑云公以至元十九年拜榮祿平章明年薨於位後二十有三年當大德丁未元子永錫遣猶子某自汴而郢以碑見託正是年也冬官師府遣正字呂洙持太子太師瀋陽王王璋書如漢徵四皓故事趣爲太子賓客授正奉大夫十二月至維揚與第二子圻定婚焦氏婦龍陽梁孝子碑經歷呂君碣皆作於真州蓋是年也

至大元年戊申

先生七十一歲仁宗居藩邸開官師府春二月先生

舟過高郵有次致和社紫微齊山詩又有次韻贈李若水及畱別東呂正字登淮安城樓并參錯和勉致進德無怠等詩致侍舟行至崔鎮水驛而別有齊哩克台先廟碑龍興寺永業田記右丞相史公先德碑是歲由賓客授資善爲承旨又除太子少傅不拜武宗諭之先生再拜曰昔先伯父嘗除是官亦辭不拜臣何敢受

至大二年己酉

先生七十二歲拜榮祿大夫集賢大學士翰林學士

承旨知制誥同修國史案雍國賀公碑至大二年七月二十有九日行在南坡公碑未銘敕翰林學士承旨燧撰述之又龍興寺永業田記云至大戊辰令下明年三月俾學士承旨姚燧爲文末云其年夏五月記是三月傳旨五月文始成也又有朝元萬壽宮碑招撫李君墓表

至大三年庚戌

先生七十三歲是年舉致爲汴省掾有滕文穆公碑瀋王詩序許文正公祠堂記元帝祠記忠勤堂記喬

木堂記雪堂雅集跋語孫侍郎碑楚公畫贊郊宮樂府南鄉子等作

至大四年辛亥

先生七十四歲爲中子圻娶焦氏婦閏七月至杭未幾中書遣陳檢閱復以承旨召病不克赴十月至京口買舟西歸致與先生別儀真遂成長別是歲有完顏公碑南寺碑寺武皇所創設行工部董其役未成而上仙遂輟工一日佛座前紋石上有二巨迹一靴迹一佛迹僧以告行工部官事聞上成之命先生爲

文先生時已得請南歸中道文成進之李宗師書丹
刻石僧有取碑中祝髮與前聖往矣于佛焉依等語
訓曰祝髮斷髮也罵僧爲禿焉依者焉爲未定之辭
此謗無佛訟之太后后怒命諸老與集議之宗師詰
其人曰祝髮字文人多用之焉字語助也何謂詈僧
謗無佛乎其人曰宗師亦僧也謂我曹爲斷髮去禿
幾何李因曰國家使我曹飽食煖衣者亦何用哉其
人遽曰將以祝皇上萬萬年壽也李曰然則祝字固
佳字也僧茫然失措無以應議上命趙子昂元復初

別撰其文張希孟祭先生文有磨平淮碑之語今文
去祝髮語因紀之

皇慶元年壬子

先生七十五歲居廬山作匡山精舍記慈化寺碑皇
慶壽詞上巳清明同日樂府

皇慶二年癸丑

先生七十六歲是年復以翰林承旨召先生已臥病
郢城矣有甯國路修廟學碑賞花十詩九日感皇恩
樂府蓋先生絕筆也先生九月十有四日薨葬郢城

牧庵集

北臺之陂鄉

附錄

三

48-12019

